

亳州志

22.6523
0032.073
:3

Kodak Color Control Patches

© Kodak, 2000

亳州志卷二

封授正一品花翎四品銜升缺用亳州知州

輿地志 山川

山 按亳地四周皆平野無山然岡陵亦山之屬也故列於境內諸水之先

層邱在亳州東南邱阜獨秀巍然介立

東逕朱龜臺北又東南逕層邱北邱阜獨秀巍然介立故壁壘所在也

虎頭岡在渦河西北離城二里迴伏數里為城北之屏障

南虎頭岡在城南一里

南五里岡在城南五里環城土陵數塚人呼為曹操虛糧塚

云居民掘地往往得石券輒碎之不令人知相傳以為帝王



塚蓋曹氏土著連姻凡公侯墳墓俱在亳故也

水按亳州之水過為大肥次之芡次之宋塘等河又次之自

肥河曰芡河其入渦者凡八曰惠濟河曰三里河其入肥者一曰

馬尚河曰雒河曰百尺河曰漳河曰武家河入乾谿溝者曰包河入清

宋塘河其入宋塘河者曰急三道河入澮河者曰油河曰明河入趙

王河者曰泥河曰小漳河其過境而入宿州者曰渾河今舉

其要以列于左至渙水後漢時本在譙縣境內父水見太平

寰宇記潁水見文獻通考今俱宜增入黃河舊流入渦逕亳

州之境今已北行去州治稍遠亦宜附

見其河流之已淤者俱為列其目焉

渦水
漢書地理志云淮陽國扶溝縣下渦水首受菴蕩渠東至向
入淮過郡三行千里

水經云陰溝水出河南陽武縣菴蕩渠東南至沛為過水又

東南至下邳淮陵縣入於淮按沛即漢沛郡非徐州沛縣也

酈道元過水注云過水受沙于扶溝縣逕大扶城西又東南

逕陽夏縣西又東逕邈城北又東逕大棘城南又東逕安平

縣故城北又東逕鹿邑城北又東逕武平縣故城又東逕廣

鄉城北又東逕苦縣西南分為二水枝流注于東北賴城入

谷為死過過水又南東屈逕苦縣故城南過水又東而北屈

至賴鄉谷水注之過又北逕老子廟東又屈東逕相縣故城

南又東逕譙縣故城北又東逕朱龜墓北又東南逕層邱北

又東南逕城父縣故城又東逕下城父北按水經所叙過水與漢志異班志以

扶溝受蕩蕩渠者爲渦水經以陰溝東南至沛郡者方爲過水以地理考之扶溝陽夏柘縣皆屬漢淮陽國大棘在襄邑縣屬陳留郡唯過苦縣以上水經皆目爲陰溝水自苦縣譙城以是扶溝以下苦縣以上水經皆目爲陰溝水自苦縣譙城以下水經始目爲過水然則陰溝之水至鹿邑入亳州境方始名爲過水誠如水經所言是過水得名自亳州始矣水經與班志同出於漢其言皆有依據酈道元尊班氏之說以受沙水于扶溝者通名爲過故注過水直以在淮陽國者當之不必入沛郡之境蓋不從水經本文而從漢志也然班固以扶溝所受者爲蕩蕩渠酈注以扶溝所受者爲沙水雖從漢志其名稱亦微有不同也○水經注過水自下城父以後又云過水又東逕過陽城北又東南逕龍亢縣故城南又屈而南流出石梁此皆在漢沛郡之境○漢志所言渦水東至向入淮過郡三行千里蓋兼淮陽國言之三郡者謂淮陽陳留沛郡渦水先行淮陽而後逕陳留沛郡並未經他郡蓋所過者實一國二郡之境也連國數之卽稱三郡亦可○水經雖云東南至下邳淮陵入淮酈註已辨其誤渦水至沛郡之向縣入淮不得至下邳淮陵也○渦水桑欽水經及酈注皆作過漢地理志作渦魏志及元和郡縣志寔字記杜佑通典皆作渦

今從之過與渦通

今渦河上自河南省鹿邑縣入州境懷家溜東流逕城北北門又東逕釣魚臺又東南逕白龍王廟至雉河集草橋出州境入蒙城縣界在境內一百四十五里

江南通志云渦水在亳州北發源豫之葛河口由鹿邑西至州境與馬尚河合東流經蒙城縣入懷遠界

潁州府志云渦水上源自河南通許縣經柘城鹿邑入亳州境至北門外會馬尚河東流出蒙城縣境

肥河

漢地理志城父縣夏肥水東南至下蔡入淮過郡二行六百

里水經注淮水在壽陽縣西北肥水從縣東北流注之謂之肥口淮水又北夏肥水注之水上承沙水於城父縣右出東南流逕城父縣故城南王莽之思善也縣故焦夷之地春秋左傳昭公九年楚公子棄疾遷許于夸實城父矣取州來淮北之田以益之伍舉授許夸田杜預曰此時改城父爲夷故傳實之者也言夸田在濮水西然則濮水卽沙水之兼稱得夏肥之通目矣按肥水古稱爲夏肥水一日濮水一日沙水皆夏肥之通稱○明史地理志亳州注南有西肥水此卽夏肥水今亳之肥河是也一北肥水在蒙城西北澤藪東南流左右翼佩數源異出同歸卽宿州龍山湖之水水經注目爲北肥水卽渦水注所謂過水又東左合北肥水是也至義城南東入于渦一東肥水源出紫蓬山入金斗河一支逕向西復東南合流故曰合肥卽符堅敗處是也

茨河

茨河在城東南八十里首受清游湖水東南流逕花溝集工記寺至磚橋寺入蒙城縣界東南流入淮

江南通志云漳河在亳州南三十里俗謂之欠水按潁州府志云茨河

州東南諸水之分流其言不得其詳水經注云沙水枝津逕城父縣西南一水東注俗謂之茨卽水此茨河矣水經注沙

水自山桑東南過龍亢縣南又東南逕白虎城北又東北過義成縣西南入於淮卽此茨水下流也其源雖本于清游湖

而獨行達淮非沙河正流安能若此○按茨水與夏肥水皆沙水之正流夏肥至下蔡入淮行六百里茨河至懷遠入淮

其流稍短然自菹蕩渠以下諸水皆沙之支派同源異名唯夏肥爲大茨河較之夏肥似爲稍小然茨河入淮後猶謂之

沙河左傳昭二十七年楚令尹子常以舟師及沙汭而還卽此河入淮處也大清一統志沙水在懷遠縣西南十里自潁

州府蒙城縣流入經荆山之麓南入淮俗曰沙河亦曰茨河是大清一統志與春秋傳固茨水之在懷遠者爲沙水矣夫

諸水司出於沙名謂皆改而茨河下流猶得專沙水之稱不得不以茨為沙之正流矣○茨河下流入淮唯鳳臺志言之最詳鳳臺志云茨河即水經注之欠水源出亳州東南百餘里之清游湖東行百餘里經蒙城之棗木橋而入縣境之萬福集折而東行一里又折而東北行二里右會鯽魚溝水又東行一里過劉家橋又東北行二里又折而南行二里又會詹家溝水又折而東北三里過萬福橋又東北三里至何家庵南而入懷遠○懷遠志云欠水見水經注乃沙水正流而古志書無及之者蓋沙水分支歧出者多遂致迷謬詳水經注沙自蕩蕩渠引流而南至扶溝而歧為渦至陳縣而歧為新溝至譙而歧為章水至陳父而歧為夏肥河皆隨地異名故其正流之東南注者世遂沿欠之俗目也

宋塘河自州南六里入蜡廟前起直南逕十字河集雙溝集至太和縣肥河口入肥河

趙王河在城南三十里上受鹿邑三里河及練溝河之水入境東流逕辛崗寺至十字河集亂宋塘河又東逕張信溜至

黃家橋匯百尺河東流至渦河計長七十里按鄭志云宋塘河自西而東俗稱為十字河又相傳為宋之運糧河非也渦水自可達汴無另開一河之理

惠濟河上承鹿邑賈家灘自安家溜入境東流三十里入渦即今之兩河口

清河在城西北二里上承河南省商邱縣陳兩沙河東南流

逕鹿邑縣棗子集南五里入州境又東南逕李家大橋又東

南逕十二里舖又東南至鄭家店入渦河按商邱縣志陳兩沙河源出汴入亳

其陳兩沙河土名也

馬尚河一名陳治溝在城北一里起自商邱縣南南入州境

逕半截塢小奈集至奶奶廟入渦河按水經注沙水一逕譙縣南入渦疑即此水

雉河俗名武家河在城北四十里上承商邱之沙河東南流

至田家橋入州境由薛家橋至小豬村分爲二東名雉河西

名墜河至賈家橋又合而東南逕觀音堂太清宮至雉河集

入渦河按鄭志云沙水雖不至商邱而泝分於沙水故商邱志亦云沙河在舊城南門外源出泝入亳是雉河上

游亦沙水也

急三道河在城西南三十里自鹿邑班竹簾寺入境逕光武

廟東入宋塘河

百尺河亦稱百尺溝在城南四十里上承鹿邑縣之南百尺

溝東流至泚家鋪亂宋塘河又東至黃家橋匯趙王河又東

入渦河長七十里

油河在城南五十里首受蔡河之水於豫省淮甯縣東逕鹿

邑縣東南又東至雙溝集北亂宋塘河又東逕賈家集油河

集東入三丈河口長六十里按潁州府志云油河州東六十里東入渦河與此不同

小漳河在城南二十里上承急三道河東南二十里入趙王

河泥河在城東南五十里渡口有燕家橋有宏治萬歷年碑

皆稱淤泥河橋南五里有分水寺寺南水南流逕聶家橋

入三丈口寺北水北流黃家橋西入趙王河

洪河在城西北由商邱縣入州境逕小黃村南流入清水河

渾河在城東北四十里由永城縣入州境逕永清集東南流

入宿州境

漳河由清游湖北流逕城父又東北至白龍王廟入渦河水

經注陰溝水下注云過水逕城父故城沙水支分注之水上承沙水於思善縣世謂之漳水故有漳頭之名也東北流逕

城父故城西側城東北流入於渦

明河今名東明溝在城南七十里上承鹿邑東明溝亂肥河

東流入境又東入三丈河口長六十里

按鹿邑縣志沙水發源於滎陽渠至陳州北而明水出焉明水分流東西明河入太和之茨河東明河自茨河之張胖店入江南肥河經亳州境故鹿邑呼為東

明溝

三里河有二一在城南三里東流入渦今淤舊有石橋今廢

一在城東北三里逕三里廟前東流入渦

三丈口河在城東南六十里西接油河明河中心溝東流十

里入清游湖

苞河在州城東北三十六里自商邱縣沙里集首受北沙河

水至界溝集入境匯為花馬潭又東逕曹家橋下至泥臺店

入河南永城縣皮家橋轉抵江南宿州境入澮河達淮

按苞水經注苞水東流入澮澮水東南逕蕪縣故城南故垂鄉也又江南

通志宿州泡河源出亳州舒安湖經臨澮鄉合澮入五湖舒安湖即今花馬潭

武家河發源於商邱縣界溝集西五里至武家橋離州城三

十五里下至黃家營前黃家橋下至吳家廟聯珠橋再下至

王啞子橋觀音堂前三里許入雉河達渦

牛毛河在城東南一百里西承蘆草溝東流四十里入乾谿

溝清水河在城南十里今淤

四河在城東北十五里出馬尚河東流久淤

黃河附

黃河在亳州西北百三十里元末嘗自通許分派流入渦河

渙水

水經注渙水又逕亳城北又東逕穀熟城南又東逕鄆縣故

城南渙水又東苞水注之出譙城北自汀陂之東流逕鄆縣

南按渙水田南亳穀熟縣南東流至永城南界亳之苞水注之其流逕鄆縣南鄆縣本後漢譙境則渙水亦當附見於

亳州也○渙水即今之滄河苞水入滄在永城縣南五十里

父水

太平寰宇記云父水在縣東四里受漳水南流經縣入蒙按

水經云汝水支分東注按汝水當為沙水之誤既受漳河之水何得為汝之支流也

坊保

亳之坊保於古無所見惟城父有萌鄉見史記周緹傳注此鄉名之最古者也

太平寰宇記譙縣舊二十二鄉今十鄉城父縣東西九十九

里八鄉按今之亳兼有譙城父二縣地宋以前譙二十二鄉城父八鄉合之當有三十鄉宋以後譙十鄉城父八

鄉合之止十八鄉之地今州境城父以東撥歸渦陽縣十三保猶存七十二保以寰宇記考之具見滄桑之變矣○古時

以鄉統里史記稱老子苦縣厲鄉曲仁里人也是鄉大於里矣又鄉即里寰宇記譙舊領二十二鄉元和郡縣志亳

州所屬合一百三十八鄉亳屬止七縣鄉有如此之多是鄉已下等夫里矣今世鄉最爲大一邑之中止分四鄉以東西

南北名鄉也都圖里甲皆統於鄉一鄉之中其地各有界限或稱爲都或稱爲圖或稱爲保其實一也因地易名耳○考

穎州府志載亳州鄉圖云坊廓三里大吉十里義門六里長安五里馬邱六里辛安六里長樂七里雷家三里興仁三里

自分撥過陽後臺所有者坊廓里一圖大吉鄉一圖又大吉鄉八圖義門鄉二圖又義門鄉五圖長安鄉一圖雷家鄉一圖更名厥一區與當日判然不同錄之以備聞見

城內保凡四無田

東北角 東南角 西北角 西南角

城關保凡三

東關 西關 南關北關保分不一統在北鄉保內

東鄉保凡二十

自城正東十里曰車家埠口

又東而北去城十八里曰鳳尾村即宋家店

又東而北去城十八里曰五馬溝集集圩李素園圩

又東稍南去城十九里曰十九里溝集圩雷圩

又東去城三十里曰洛家湖即閻家窑集王暗樓圩

又東稍北去城三十里曰三官廟羅家橋圩趙暗樓圩張藕坑圩

又東南去城三十里曰翟村寺集集圩田大庄圩顏大庄圩馬圩

又東而北去城三十里曰泥臺店集前張閣圩王樓圩魯樓圩

又東而北去城三十里曰保安集集圩張家店圩段教門樓圩

又東南去城四十五里曰東釣魚臺王家橋圩張圩

又東而北去城四十里曰永清集羅家橋圩

又東稍南去城四十五里曰丁固寺集圩郝圩

又東去城五十里曰沙土集集圩馬平庄圩韓圩

又東稍北去城五十里曰劉家集集圩

又東而北去城五十里曰觀音堂集圩王

又正東去城五十里曰辛橋集集圩韓樓圩蔣家

又東去城五十五里曰楊家集集圩李圩

又東而南去城六十五里曰三丈口集圩新台寺圩李

又東而南去城七十里曰聶家橋圩古城父圩朱

又東而南去城一百里曰忠心集集圩孫圩

按亳州以城內各坊分爲四角以村集爲保東鄉集鎮尙有不在保數者凡八曰新集卽大興集在城東十八里曰余家

集在城東三十里曰渾河集在城東北四十里曰新德寺集在城東南六十里曰新臺寺集一名楊老人集在城東南六

十五里曰城父集在城東南七十里曰李家集一名李仁集在城東稍南一百里曰籬笆集在城東南一百里○又舊志

載東鄉保凡三十二今撥入渦陽縣凡十二曰耿皇寺集在城外東稍北六十五里曰義門集在城正東七十里曰趙旗

屯集在城外正東八十五里曰丁塚集在城外東南九十里曰花溝集在城外東南一百里曰彪狸舖集在城外東南一

百一十里曰雉河集在城外東南一百一十五里曰臨湖舖集在城外東南一百二十里曰楚殿集在城外東南一百二

十里曰李門集在城外東南一百四十里曰眾興集在城外東南一百六十里曰小閻家集在城外東南一百八十里

南鄉保凡十七

自城正南九里曰九里溝卽清水河

又南稍東去城十八里曰半個店

又正南去城十八里曰閻家舖汪圩尹圩

又南稍東去城十八里曰麥稽溝楊老

又正南去城三十里曰十字河集圩

又南稍東去城四十里曰張信溜集圩

又南稍東去城四十里曰梁家集李圩 姬家橋圩 李瓦房圩 葉梨四王圩 孫大庄圩

圩李大庄圩 李大樓圩

又正南去城四十里曰卞家鋪柴圩 卞圩

又南稍東去城五十里曰賈家集李圩 賀圩 王樓圩

又正南去城六十里舊志作五十五里曰雙溝集集圩 紀圩 高圩 王圩 王圩

又南而東去城六十里曰油河集集圩 張庄圩 李圩 申家堂圩

又南而東去城七十里曰立德寺集圩 楊塚橋圩 崔石庄圩 王家樓圩 劉大樓圩 楊圩

張相林庄 圩高圩

又南稍東去城七十里曰仁和集集圩 康圩 楊圩

又南而東去城七十里曰王岡營集圩 董庄圩

又南稍東去城八十里曰古城集集圩 薛圩 李圩 王圩

又南稍東去城八十里曰龍德寺集圩 魏圩 李圩 張圩 李圩 薛圩 秦圩 李圩 王圩

又南而東去城一百二十里曰高公廟集圩 徐圩 張圩 薛圩 慕圩 崔圩 任圩

按南鄉集鎮又有不在保數者凡二曰趙家橋集在城東南三十里曰小楊家集在城東南八十二里○又舊志載南鄉

保凡十八一曰張村鋪在城東南一百四十里今隸渦陽

西鄉保凡十四

自城正西十八里曰澗清鋪集圩

又西稍北去城二十里曰西釣魚臺孫樓圩 張新庄圩

又西而北去城二十里曰小黃村集圩 張家集圩

又西稍南去城十八里舊志云去城二十五里曰孫官口集

張家閣

又西而南去城三十里曰光武廟史庄圩郭庄

又正西去城三十里曰安家集即安家溜集圩兩河口

又西稍北去城二十里曰魏家岡集

又西而北去城三十五里曰滅塚集集

又西而北去城三十五里曰牛四集集

又西而南去城三十里曰歇馬店聞圩孫圩

又西而南去城三十里曰岳方寺楊

又西而南去城四十里曰梅城集集

又西而南去城五十里曰辛岡寺劉圩張圩

又西而南去城六十里曰長興店新

按西鄉集鎮尚有張賓營集孫家店集砂疆溜集懷家溜集四處不在保數張賓營在城西南五十里孫家店在城西五

十里砂疆溜在城西五里懷家溜在城西三十里此分屬於西鄉保者也。俗以故張賓營為今之長興店攷舊志張賓

營去亳城五十里長興店去城六十里何得混為一也

北鄉保凡十四

自城正北一里圍牆內曰水神廟俗呼為水獸廟無田

又北稍西去城二里圍牆內曰明王臺

又正北去城三里圍牆內曰火神廟無田

又北而西去城五里曰柳林村

又北而東去城五里曰鳳頭村圩市

又正北去城十八里曰小奈集集圩田家樓圩

又北稍西去城十八里曰小朱村吳廟口圩三里灣圩丁小樓圩黃庄圩

樓圩黃庄圩

又正北去城三十里曰盧家廟集圩賈家半截樓圩

又北而東去城三十里曰大顏家集集圩

又北而西去城四十里曰北曹村沈柳行圩

又北而西去城五十里曰小顏家集

又北而西去城四十五里曰半截塔集圩

又北而西去城五十里曰獨孤村

又北偏西去城五十里曰宋家集集圩

按北邨集鎮又有不在保數者凡三曰王家店集在城西北二十里曰高家店集在城北二十里曰朱家集在城西北二十

里○又按亳州村集順治年志所載共三十有九乾隆五年志共六十有四道光五年志共九十有五咸豐同治間遭

兵燹又以十三保分撥渦陽縣今除城內城關之外共得八十有二雖不及道光中之數然較之乾隆以上則遠勝矣人

物蕃庶日增日盛於此可概見焉

丁村州東三十里其地有丁村寺

楊團村州東四十五里

茶路村州東五十里

耿村州東六十里疑卽今耿皇寺

伯俞村州東七十里

賦羅村州東七十里

小楊家村州東九十里

中宮村州東一百里

水西村州東九十里

竹種村州東南三十里

南李村北李村州東南各五十五里

洛村州東南七十里

小李村州東南七十里

義元村州東南八十里

唐店村州東南八十里

白花村州東南八十里

韓村州西北三十里

魏村州西北三十里

城西集州南八十里

五麻集州東北十八里

塢下村州東北一百里

郭村州東北二十五里

北張村州東北三十里

南張村州東南一百四十里卽今張村舖

附古村名

大周村

隋書王劭傳建德六年亳州大周村有龍鬪可見大周村乃隋時亳州之舊名不可不拈出以資考核

附街巷

城中大街凡二

自東門至西門南門至北門直街各一合爲十字大街當十字街中爲四隅總路之衝曰大隅首

自隅首之東直抵城門者爲東門大街隅首之西直抵城門者爲西門大街隅首之南直抵城門者爲南門大街隅首之北直抵城門者爲北門大街

在城中東北隅者凡二十

自隅首東行第一巷由南而北者爲衛裏巷

又東由南而北直至城隍廟者爲神路巷

又東由南而北直至玉皇廟者爲玉皇廟街

又東由南而北者曰署前街

又東由南而北者爲察院巷

自署前街由西而東通察院巷者曰州東巷

自州前巷由東而西通玉皇廟街者曰州西巷

自州東巷由北而南者曰倉巷

在州署後由東而西橫通玉皇廟街者爲州後巷

在州後巷之北而西者曰三皇廟街

在州後巷之西西北通華祖廟者街曰鬪武營

在三皇廟後由東而西橫通北門大街逼近城牆者曰靈官

廟街

自靈官廟街稍北而東者曰雷祖廟街

自雷祖廟後直南者曰任家菴街

自神路巷北由東而西者曰衛後街

自衛後街北由東而西橫通神路巷者曰半截樓街

自半截樓街北由東而西橫通神路巷者曰夏家巷

自夏家巷北由西南至東北有一小巷曰陳家胡同

在陳家胡同東城隍廟西者曰問禮巷即老子廟街

自問禮巷而西北通北門大街者曰轆轤灣按乾隆五年舊志所載街巷在

城內東北隅者僅七日靈官廟街曰老子廟街曰神路巷曰三皇廟街曰玉皇廟街曰察院巷曰倉巷三十九年續修之

志列城東北之街巷共十有六道光五年志多於前者凡四日陳家街街曰鬪武營曰雷祖廟街曰任家菴街今仍舊無

增

在城中西北隅者凡十有三

自大隅首西行第一巷由南轉北者曰火神廟街俗號康家

牌坊

又西由南轉北曰高家巷口

又西由南轉北曰清風巷口

又由隅首北行第一巷由東轉西者曰方家胡同
又北由東而西者曰曹家巷

又北由東而西至咸平寺者曰大寺巷

又北由東而西者曰丁家胡同

自火神廟西而北直通丁家胡同者曰二郎廟街

在火神廟西者曰火神廟西街

在二郎廟街西橫通禮拜寺街者曰二郎廟西街

在二郎廟街西東通曹家巷西通清風巷者曰前局其局後

北近熟皮坑者曰後局

自清風巷而北直抵北城者曰禮拜寺街

按乾隆五年時街巷在城內西北隅

者僅五日大寺巷口日二郎廟街日曹家巷口日局裏日禮拜寺街乾隆二十九年及道光五年所列街巷共十有三今仍舊無增

在城中西南隅者凡十有一

自隅首正南第一巷由東轉西者曰學巷口

自學巷口而西曰孫家堂即觀音堂

自孫家堂而西至城垣者曰皮廠殿北街

自孫家堂而北轉者曰三義廟街

自三義廟北通高家巷口者曰四眼井

自皮廠殿北街南下直至廣嗣庵者曰皮廠殿街

自皮廠殿北街直通西門大街者曰清風巷口

自學巷口西由學宮前南轉者曰學前街俗號丁字街

自學前街而西者曰硯池灣街俗稱硯瓦池

自學前街而南西通皮廠殿者曰夾廟街又曰觀音閣

自西門大街轉南直下與西城逼近者曰白家巷

按乾隆五年時街巷

在城內西南隅者僅五日曩學前街曰清風巷口曰三義廟街曰高家巷口曰皮廠殿街三十九年道光五年所列街巷

共十有一今仍舊無增

在城中東南隅者凡十

自隅首正南第一巷由西而東者為薛家巷

又南由西而東者曰火星廟後街

又南由西而東直至文昌閣者曰文昌街

在火星廟東有街北通薛家巷南通文昌街者曰廟後直街

今名槐樹廟街

自薛家巷而北轉通東門大街者曰李家巷

自薛家巷橫去向東有直街北通東門大街南至文昌街者

曰四眼井街

自四眼井之南西通火神廟後街東通禮賢街者曰淌水溝

自四眼井而東橫至王家小庵者曰王家巷

自王家巷而北通東門大街者曰崔家巷

又東而北與東城逼近者曰禮賢街

按乾隆五年時街巷在城內東南隅者僅四日

四眼井曰李家巷曰學巷口曰文昌街三十九年所列街巷共八道光五年多於前者曰王家巷崔家巷今仍舊無增

在北關外大街凡五

出北關自弔橋而北曰書舖街

又北曰白布街

又北曰帽舖街即致和街

又北稍東曰來鳳街

自來鳳街而抵河沿者曰大橋口按道光五年所列街之名數與今皆同

在大街東者凡九

初分路自弔橋口轉東者曰東順城街

又東曰牛市

牛市之東有一直街通北者曰單家胡同

又北曰顏家寨

在單家胡同之東橫街通河者曰楊柳菴街

又東而南近城者曰雞毛坑

次分路自白布街之北轉東者曰水門關

又東曰炭廠

自炭廠而南通東順城街北通河者曰席市按乾隆三十九年志所列在大

街東者僅三日牛市曰席市曰大王廟道光五年志多於前者凡六今無增

在大街西者四十有三

初分路自弔橋口轉西曰西順城街

次分路自白布街轉西曰猪市巷一名打銅巷

又西曰洪濟橋街

次分路自白布街北頭轉西曰爬子巷

又西而北曰南京巷

過巷口而西曰里仁街

又西而北曰老花市

稍南而又西曰紙坊街

又西而南曰熟皮坑

又西而北曰禮拜寺

次分路自來鳳街而西曰竹竿廠

又西稍南曰乾魚市

自乾魚市中通帽鋪街者曰慈雲巷

自乾魚市而南曰德振街

北曰油簍巷

西曰淳化街

自淳化街西頭轉北曰興隆巷俗呼爲爛麵胡同轉南曰南
京巷

過巷口而西曰老磚街

在老磚街之中北通花子街者曰神路巷

自老磚街直西曰磁器街

又西曰天棚街

又西曰大有街

大有街之西曰觀前

自竹竿廠而南有直街口薑蔴市

自薑蔴市中通乾魚市者曰竹貨街

自薑蔴市之西有一斜路北通河沿者曰沙竹坑

自沙竹坑迤北而西曰火神廟東街

再西而北者曰涂家胡同

自薑蔴市之西稍北而西曰永和街

自永和街稍西折而南下通涪化街者曰文昌巷

又西爲十字巷口南卽爛麵胡同北曰羊市

過巷口而西曰花子街

北曰火神廟前街

過巷口而西曰門神街

又西而南曰鐵果巷

又西而北曰老薑蔴市

薑蔴市北通太平橋西曰財神閣街

又南而西曰塘子胡同

在塘子胡同之南者曰方家胡同

在塘子胡同之西者曰磁器坑

又西而南通天棚街者曰祖師廟街

又西而北者曰半截街

又西而南通大有街北通河沿者曰馬廠街按乾隆三十九年時北關大街

以西凡為街巷二十有四道光五年所列四十有三今同

河北大街凡四

自大橋過河而北曰仁義街

又北曰顏家隅首

又北曰故衣街

又北曰火星廟街按乾隆三十九年道光五年所列街之名數有六今減於前者凡二曰鳳鳴寺街曰

三報司街

在河北大街東者凡九

自仁義大街而東曰新街

次分路自顏家隅首轉東曰義和街

自義和街而南通大河者曰猪市巷

又東而南通大河者曰清真巷

自義和街直東曰董家街

自董家街東轉北曰董家胡同

自董家街中轉南曰秦家巷

自重家街微西轉北曰小驢市即老新街

自董家街大四轉北曰大驢市按道光五年所列之街在河北大街東者凡二十有二今

減於前者十有四曰順河街曰小隅首曰菜市曰查家胡同曰湯王墓曰新市曰小梅園曰玉皇廟前街曰山家胡同曰

鳳凰臺曰條子市曰三元
新街曰老豆市曰劉家堂

在河北大街西者凡一

自顏家隅首而西者曰分司街即仁和街按道光五年所列

凡十有二今減於前者十有一曰圓覺寺後街曰趙家岡曰永寧街曰洪

家路口曰瘟神廟街曰圓覺寺後街曰趙家岡曰永寧街曰洪

曰奶奶廟曰弦房街曰

興隆巷曰鬼王廟街
在陳治溝西者凡五

自奶奶廟過陳治溝橋而西曰三聖廟前街

在三聖廟北曰菱角坑街

三聖廟前街東頭轉南直通河沿曰草帽街即古大王廟街

舊太平街之西曰蔡家胡同

又西有東西街曰拉車路口按道光五年所列之街凡十有

三今兵燹者九曰三皇廟後街
南關外街凡五

出南門曰南門外街

又南稍東曰驢市

又南曰火神廟街

又南曰潁州大路

自南門而東曰南順城街

東關外街凡五

出弔橋而東曰小隅首

自弔橋轉北曰東順城街

自小隅首直南曰菜市

自小隅首直東曰王家巷

自小隅首轉北曰火星閣街

西關外街凡四

出弔橋而西曰西關大街

次西曰李家老墳

又西曰河南大路

自弔橋轉北曰杏花村

按任志云亳州街市繁盛以

河北之街巷僅三十有三迨三十九年所列者其五十有一今自北關河北及溝西計街巷一百一十有二多於前者其

六十有一而城內之街巷五十三東西南三關十有三合之得一百八十有一兵燹後減十之五六即僅存者亦非昔時

充似氣象現市風者輒不勝與廢之感云

風俗

漢書云猶有先王遺風重厚多君子好稼穡惡衣食以致蓄藏太康地記云豫州之分其人得中和之氣性安舒其俗阜其人和今俗多寬慢按太平寰宇記以亳州風俗爲同於宋州故列此隋志論譙郡之俗亦以爲同

於梁

隋志好尚稼穡重於禮文其風皆變於古

唐志云仁厚之俗勤農事惡衣服人皆忠義本於張巡許遠之表率

異聞集云人性質樸性務農桑今則工商交作詞訟簡少視昔爲盛也

風土記云尙氣安愚

潁州府舊志云士勵詩書民安耕鑿女子雅慕節義殉夫者接踵

立春不鞭牛俗傳城形若卧牛鞭之則人災

士紳家居喪不作佛事有伊洛遺風

飲酒以互相酬酢爲禮

婚姻不論財禮隨女家之力以備粧奩

喪服卽小功緦麻非吉事不易服

亳人秉性質直好尙稼穡士大夫多慕高節奇行女子亦多節烈

婚姻者人倫之始六禮不備則貞女不行州俗定婚惟憑媒妁之言爲定兩家各用名帖遣人互相傳送以結二姓之好夫婚不論財固爲大雅然古人慎重婚禮周禮入幣無過五兩爲費亦有節矣今亳娶婦之家時有不逮束帛之值者而登門親迎更無聞焉所當酌於中而漸復古者也

州人服父母之喪間有素衣三十六月蓋雖未遵三年再期之制然禮疑從厚猶爲美俗可以愧近日未及小詳而輒變服者亳俗旣葬而反有回靈之禮此卽古之所爲反虞祭也反哭之禮擗踊號泣同於初喪今乃禁孝子使勿哭則於古禮有別

祭於五禮爲吉禮古士大夫四時祭今俗有不盡行者惟於
元日清明七月望十月朔除夕治穀疏祀先於室中或於墓
所

士風素稱淳樸上者負氣誼重門第次亦束修自好筆墨耕
耘鮮所謂武斷豪奪者惟少年習武技勇相角裘馬相矜旣
耗貲財不無好勝之習

亳自明以來嘗爲鳳陽府屬江南文藪也然鳳廬二府在前
明本屬中卷不與他府比今爲潁州府屬文以清真雅正爲
歸好古窮經者蒸蒸日起焉

農勤於種植而逸於耘耔州土西北高而東南下雨稍多則
積潦汪洋稍旱則墳墟圻裂五風十雨始無怨咨故以盡力
溝洫爲亟婦女頗勤紡織吉貝之產行於他郡

工無奇巧攻木攻金而外惟斂皮斂革集毳成旃頗以緊薄
均調著名而織紵組紉工於他邑元黃朱綠鞞幌恒取足焉
商販土著者什之三四其餘皆客戶北關以外列肆而居每
一街爲一物真有貨別隊分氣象關東西山左右江南北百
貨匯於斯分亦於斯客民旣集百貨之精日染耳濡故居民
之服食器用亦雜五方之習

亳於古爲殷湯所居之國故其俗尙鬼又與陳國相近故其
俗尙巫初不聞以拳勇相尙也後乃急疾尙氣漸染北方之

強動輒招羣相鬪邇來久沐

國家德化良有司厯為懲勸其氣蓋漸息矣按鄭志所列有可存者稍為改

易以附於篇

附知州周鶴立勵風俗示示曰照得國法乃紀綱之本人心為風俗之原本署州以忠孝承

家由科名入仕茲奉憲檄攝理謙城維此邦為淳樸之區水深士沃况累世食昇平之福戶祝里歌固宜市少飲羊人

無佩犢矣惟是地居都會奸先易藏俗競錐刀器凌襍起總其流弊約有三端最為害者莫如賭博攫他人之財帛心甚

貪狠傾一已之橐囊形同腐鼠黠者設為機奔愚者受其牢籠雖家有百萬之金錢不崇朝而可罄即天與十千之禾稼

亦樂歲而終窮生為盛世之游民死作冥鄉之乞鬼慎可知已蠢孰甚焉此弊之所當亟除者一也更可恨者莫如鬪

毆或借睡毗以洩忿拔劍為豪或緣咤叱以生風捉刀相向輕則傷肌斷骨重則捐命忘軀不思髮膚受之父母生我者

未報所生刑法定自朝廷殺人者亦當擬殺與其受諸苦楚被閹羅驅入枉死城中毋寧忍此須臾效淮陰俯出少年

勝下此弊之所當亟除者二也更有蠢茲鄉愚詭從匪黨其初惑於禍福而奉若神明其後墮入邪魔而肆為狂悖若謂

齋心禮佛則佛門無此匪徒如謂念咒消災則災孽實由自召爾百姓耕田鑿井其相安於化日光天聖天子愛農

恤民何忍加之雷霆斧鉞倘不思革面將來之顯戮難逃惟及早回頭前此之愆尤可贖此弊之所當亟除者三也至於

兵農相濟尤須同力同心同漢殊途尤當各安各業毋或恃強而凌弱毋或倚眾而暴寡本署州盟心若水秉公而無少

偏枯執法如山遇惡則不留姑息當茲下車伊始誠恐觀聽未周合行剴切曉諭為此示仰闔境人民知悉爾等勉為良

善慎毋自蹈於匪彘如其犯此刑章斷不稍假以寬典懷之慎之毋貽後悔

古蹟

譙縣故城今州治也春秋時為陳之焦邑秦置譙縣明初省入亳州

城父故城在州東南七十里今名城父集斷垣頽落尙有故

址可見

按城父仍屬亳州通志載入渦陽誤

梅城故城在州南四十里

舊志作四十五里

隋書地理志開皇六年

分小黃縣置屬亳州大業三年省入譙縣元和郡縣志故梅

城在譙縣南四十里古梅伯國今為梅城集

舊思善縣王莽改城父置水經注渦水東南流經城父縣故城上承沙水於思善縣然地不可考今安徽通志云思善廢

縣今渦陽縣治後漢書郡國志有思善侯國屬汝南郡晉省
水經注漢章二年分城父縣置夏肥水又東逕思善縣之故
城南亳州志有古城集在州南八十里城父城南疑卽其遺
址按古城集今屬亳州並未隸入渦陽據此則思善縣尚在
州境不得謂爲渦陽縣治舊志疑古城爲古文州地考文
州唐武德年置卽王世充所建成州地也在城父縣南七十
二里魯邱堡蓋去古城集遠矣爲思善爲文州均無確證故
泚而存之

舊成州王世充置在州東南七十里城父集之魯邱堡唐廢
之

長垣縣在州城東東晉初析譙縣地僑置後魏廢今不可考
桐宮在湯陵東舊志誤作西今正今爲大覺寺

桑林在湯陵西七里

鄭志通志皆作二里

成湯禱雨之所

章華臺在州東南七十二里乾谿側

拄杖溝在減塚店舊傳老子於此拄杖畫溝

寥陽萬壽宮在城內西南隅元張柔爲通真子劉志義建祀
老子後爲軍儲倉今改儒學

玉清萬壽宮在城內東北隅亦張柔爲通真子建女冠劉守
真居之至大五年女冠徐妙廣居之名爲了真庵改名長春
觀明改建察院今廢

魏武帝故宅水經注云城東有曹太祖舊宅所在負郭對廛
側隍臨水魏書曰太祖作議郎告疾歸鄉里築室城外春夏

習讀書傳秋冬射獵以自娛樂文帝以漢中平四年生於此
上有青雲如車蓋終日乃散卽是處也今不可考

魏武帝廟在城東七里今廢

魏文帝廟寰宇記云在城東五里今廢相傳元張柔築城取
其材以助工

大饗堂考水經注云在魏文廟前昔文帝延康元年幸譙大
饗父老立壇於故宅壇前樹碑題曰大饗之碑今碑既無考
地當與故宅相近

譙望樓魏武所建子建作畫角三弄

八角臺在城東南三里魏武所築以饗軍士

東觀稼臺在城東北一里魏武所築今建爲大悲寺

西觀稼臺在城西北一里亦魏武所築今建爲崇興寺

木蘭祠在東關外相傳祠左右卽木蘭之家今改建於東門

口

希夷故里在城南十八里有曲水環之

五龍王廟在希夷故里旁相傳希夷先生講道於此有五龍

王變形聽講故前殿奉五龍王後樓奉希夷

譙令谷舊志載在東北三十里魏武所築有譙令碑

四女谷在城東南七十里城父村按水經注潯水又東南逕
層邱北邱阜獨秀巍然介

立疑卽此地俗稱四女所築未免無稽又
按府志云四女谷在州西四十者誤也

望仙伏龍橋在城內西南隅其事不可考

靈津渡在此關宋真宗賜名命陳堯叟作記碑已失

澄碧堂宋知州宇文虛中創建歲旱祈禱得雨嘗宴集於此
今廢

張柔故宅在城內西北隅清風巷

秋風臺

看花臺

望仙臺以上三臺皆在張柔故宅內

東釣魚臺在州東四十里

西釣魚臺在州西四十三里兩墩巋然皆近渦岸事蹟無考

明王臺在城西北二里通真觀內相傳韓林兒即位處按元

杜禧所撰寥陽萬壽宮碑載劉通真葬於明王臺是元時已有此臺非以林兒即位始築建也

蘆洲在州東渦水北岸晉太興中祖逖北伐屯兵蘆洲王家

市蒙古將圍亳州金主至王家市大敗之

竹園在州東北梁大通四年元樹鎮譙城為魏將樊子鵠所

攻梁將羊侃赴救至官竹園水經注睢水自睢陽東南流歷

竹園水次葦竹蔭渚菁菁彌望世謂之梁王竹園

百尺口州東南五十里元張柔築甬道一自亳而北一自亳

而南置堡立柵糧運悉達

雙溝寺在城南六十里金哀宗曾因避雨駐蹕於此

南曹寺在城北三十二里

北曹寺在南曹寺之北二里天啟甲子年重修碑稱舊係曹操屯兵處居民立寺祈福志所自也

獨孤將軍廟在獨孤村相傳將軍與簡王鏖戰死有金簡長

戟投井中簡王亦莫考何時人

按梁元樹拔蕪城魏將有獨孤如願隨樊子鵠與元樹對

壘樹時封咸陽王或卒葬於此土人誤咸為滅故曰滅冢又誤咸王為簡王亦未可知

朝真迴蹕樓在州西宋祥符七年正月真宗駕幸亳州親謁

老子祠因建此樓今廢

奉元樓西門城樓也真宗賜額

均慶樓北門城樓也亦真宗賜額

常樂園在城南為明考功薛西原別業西原被誣得白見時事乖違息意仕進遂築圃於城南讀書談道以自娛慕涑水之風因名**猶樂**有友諷之改稱常樂其孫鳳翔記云去城南可二里小逕逶迤灌木交蔭徑窮得園園內文石玲瓏傑然玉立石後茅屋數椽不事雕飾顏曰大甯齋齋後有亭亭西有軒軒在叢篁間多集名人題詠齋東過荆扉有亭曰瑩心喬太宰白巖小篆也鑿池環亭荷香斷續遊魚上下臨流嘯詠意致泊如晚年檢藏註經為逃名著書樂地又南園本舊業先君兩泉擴充之者也兄弟又各畫一區左曰似漆園穿竹而入得來鳳軒少進為迷花塢塢後小榭名曰春海右曰

西園中爲醉月亭當秋空月淨松蔭滿地如積水浮藻迤北則聽雪齋迤南壘石爲山上安方榭下引曲洞洞口臨流足以垂釣池上有閣足以眺遠中曰淨華園余所有也入門爲湛露堂堂東棠樹數百本延蔓甚遠繚以爲垣曰棠蹊循蹊而達梅梁館館前平橋小徑遶出堂後入館西折經松關曰碧界銀杏四列高可摩霄蔭可數畝其間隙地掃除爲坪環以欄楯甃以磐石盤礴其下煩暑如秋暑曰綠天過此則浴霞樓樓下環植牡丹百餘本凭軒俯視恍如初日盪潮而繁星浴霞也樓東進小洞曰宛委出口則紅樹秋林林腹爲韻齋樓之北曰烟條館曰千花舫由舫而南登松壇曰泛濤因

爲飛梁渡小閣白木香一本膚有龍鱗鬱蟠匝二楹蓋百年木也花開流香舞雪經月不散因顏其亭曰繁香厯抱甕軒而出復達於湛露堂園雖以牡丹著其千尺長松四時佳卉均足供吟嘯當時西原雖家居而隱負重望且詩名滿壇玷故京洛舊遊當州大吏每多造訪唱和流連一花一石無不形諸歌詠常樂園之盛傳於淮北厥後考功身故繼嗣修葺不幾年遂歸寥落今於祗樹園薛家閣之間尋其故址臺榭之跡無可彷彿惟餘灌木蒼翳數阜摧頽皆爲佛閣六時魚唄兩兩遙傳而衣冠唱詠之盛渺不可追矣人事流傳亦屬尋常但西原身後似不應寂寂若此耳然清修亮節自有不

朽者存荒郊片壤先生固蘧廬視之今廢

懶園在城西王仁子所築誅茅小構花木亭館具體而微中架翠柏爲長廊複道清幽亦小有致但主人嬾甚十九付園丁或文債牽纏跨一衛至其地嘯咏移時而去似他人菟裘竟不問也長年閉戶擁書自娛間與朋友雅集輒自詡曰以吾小築視公等園何止夜郎王與漢然視家君公儉牛處當遠勝矣其風致如此今廢

樂園在郭北門對清流松逕透迤齋宇整潔牡丹尤盛主人不涉書能選勝結客樂意邱園故亦可人更喜覓異花與人角勝於翠香紅影中自是人遂知有顏布衣也今廢

南里園夏侍御被放後慕西原之爲人遂築園於常樂之右中開四照亭選名花環植左右復架木爲長廊編佳花障奇石嘉樹映帶其間飛榭小軒引遊屐入勝自侍御物化遂爾寥落每一經過松風謾謾不啻聽雍門彈也今廢

且適園李方岳正屏築林香竹色茵閣草堂柏障花茵與南里爭勝今亦蕪廢

庚園在城西隅積水成沼可容小舫採蓮舉網甚適也傍水有故指揮宅李文學培卿買而爲園讀書之暇輒經營位置日涉成趣有鬱金堂崇基軒受月最廣堂後有樓飛甍遠眺可納城西野色左則萬井參差右則堞樓倒映東有叩板扉

穿花徑低亞回折署曰春迷穿花壁登生趣亭望小山叢桂
迤而北爲牡丹坪有環芳亭萬紅圍繞處也橫軒而過爲迢
迢逕逕有秋水亭在柳枝交蔭中當暑披襟涼颼颯然可以
忘夏是園爲城西佳境今廢

李叔子園毫無山水惟城東南林木繁茂墟烟縹緲最稱勝
地舊有高氏廢園故址小隘李叔子仁卿得而拓之四圍種
竹分門列逕結柔綠爲屏障緣以雙廊如複道曲屈令遊人
低徊自失登堂而東折爲漱芳亭雜英續紛林木茂密擁流
雲聽幽鳥大有佳致今廢

按以上舊園皆前明薛鳳翔牡丹
季年兵燹遷移轉易俱叢殘非舊矣然緬洛邑之衣冠數平
泉之花石猶想見當年觴咏之盛焉不忍以荒落而不載也

夫名園之築非強有力者弗能工明季士夫相尚成習太湖
靈壁矜縹透之奇峯廣榭深池極登臨之樂事然其爲物也
往往勢集而後營勢退則先鬻渴陰無幾轉瞬烟雲廢興之
際徒令人感慨係之耳世緒綿延惟有德者能守而勿替

跋鶴園支氏別業在城北牡丹極盛連畦覆壠黃紫爭妍徐
健庵乾學有支園看花長歌能曲狀其勝今廢

清課園在城內西南隅謝贈君商珍別業商珍癖於種藝束
縛過接奇古出人意表緝荔爲墻編松作棟妙極天然幽秀
之致有松亭槐亭如笠如蓋可以夏不漏日冬不滲雪又有
伴鷗亭無波池拾翠堤秋雪堤諸勝過客題咏極多今廢
西園在城西孫軼凡別業軼凡自撫甯解職歸懷抱冲和寄
興泉石花酒賓朋日涉成趣內有古香亭得月亭清風亭倚

古松下寒濤謾謾韻出塵表德水盧雅雨春日讌集其亭贈
隱君應茂詩曰古香亭畔眾芳稠勝日曾聞甲此州莫怪近
來花意懶郎君官裏去三秋時猶子國柱方令閩清也他文
士賦詠極富園今廢

渡口李氏園在城東李家渡口花木松竹一望翳翳牡丹極
盛俗名一匹馬者其種以四馬易之一色既艷冶而重臺細纈風格更
超徐健菴詩所謂懸知十斛須明珠不難換却青驪駒者也
與姚黃魏紫競美爭妍盖不啻尹邢之相見矣江以南好事
者得一二名種崇以白石之臺覆以流蘇之幔朱欄襯其綠
縵明燈發其光華炎曦不到風雨無愁花之寵錫於是焉備

茲園獨以幽曠勝藤蘿幾架草軒數楹石磴莓苔隨意所憩
而千紅萬紫環繞於畦隴之間有無名子曾投一絕曰國色
不貪金屋貯牽蘿倚竹總清華頗善道其幽艷云地近郊坰
花時車騎之遊殆無虛日今廢

半園在東關王氏別業蘿陰竹徑地亦清幽湖石數峯自具
別致今廢

舒嘯園在東關外爲吳氏別墅松竹古茂花藥尤繁醪醑棠
棣之屬花時如錦櫳如繡屏極翳蔚之致後傍城壕積水淪
漣樓閣倒映鏤堞參差築小山曰東臯憑高遠眺宛然樹裏
湖光亂流明滅也牡丹亦盛不亞於李園今廢

王園在城南老人王擘仙年九十載花入都張司寇照手書四字贈之曰壽考維祺今廢

小梅園在城北今廢

孟氏園在城西孟家橋地皆牡丹花市在焉今廢

六松園梁氏別業今廢

張氏南園在城南火神廟前今廢

李孝子園在城東孝子李長桂攀柏處也就地雜樹松杉旁及花藥有白鶴翔舞止於墓側故建來鶴亭桐城張相國廷玉爲之記園今廢

存園在城西十六里渦河北岸花木奇勝而松亭竹隴靈石

假山尤據一方之盛園主人吳氏名世攀號卓庵諳花性兼善醫一時全活者甚眾有魄遺則卻之不受曰吾心存濟世豈藉是以圖財哉年七十餘猶終日胗脈一如其種花無倦焉今廢

坊表附

神農衣冠坊在東北隅

成湯肇域坊在州西街北

以上明知州張繼建

道德坊在西街

能仁坊在南街

以上明知州張思齊建

古譙國郡在州治前知州任壽世重修今廢

振古名邦在州治前

承宣坊在州治西

撫字坊在州治東

宣化坊在東街

歸厚坊在北街

以上明知州張思齊
建知州張雅重修

激揚坊在察院前

整肅坊在按察司西

文明坊在儒學南

以上知州
張雅建

儒林坊在櫺星門前

興賢坊在儒學門左

育才坊在儒學門右

以上明知
州顏木建

登科坊在南街為舉人李英立

方伯坊在十字街東為山西布政司張定立

繡衣坊在十字街南張定為御史時立

澄清坊在十字街西為御史米堅立

應奎坊在儒學右為舉人歐陽迴立

昂霄坊在北街為舉人李恂立

司諫坊在北街為兵科李恂立

武英坊在衛後街

世榮坊在衛後街為舉人李永立

經魁坊在南街爲舉人薛蕙立

進士坊在城南門街爲進士薛蕙立

舉人坊爲舉人周尙文立

錦衣坊

聖朝名諫在州西爲刑科李國士立

三世方伯爲山西布政李國士立

廷諍大禮在城南門街爲吏部郎薛蕙立

孝行坊成化中旌孝子成綱楊昇

孝行坊宏治中旌孝子王矩

烈女坊爲海秀妻李氏立在東關街北

貞節坊爲武平衛副千戶金源妻宜人盧氏立

貞節坊爲武平衛軍人程義妻何氏立

貞節坊爲□□妻恭人黃氏建

貞節坊州治爲貞女趙氏儒童李仁妻立以上皆前明所建

雙節坊在城南門內爲歲貢生孫國棟妻韓氏候選州同孫

國相妻譚氏立

節孝坊在學前街爲孫希孟妻袁氏立

節孝坊爲李建業妻吳氏立

清標彤管坊爲儒童孫國標妻傅氏立在城南門

節孝坊爲儒童張應麟妻章氏立

節孝坊爲儒童李永壽妻郭氏立

節孝坊爲楊震妻孫氏立

節孝坊爲周天相妻杜氏立

節孝坊爲庠生馬健行妻周氏立
在北門內東街

節孝坊爲胡鳳山妻南氏立
在北關外洪濟橋街路南

節孝坊爲百戶司孫應泰妻汪氏立
在小黃村保

節孝坊爲趙國良妻李氏立
在牛市街北

節孝坊爲孫德統妻李氏立
在城內大街路西

節孝坊爲詹國錦妻懷氏立
在東關保

節孝坊爲徐文俊妻李氏立
在翟村寺保

節孝坊爲田恭亭妻吳氏立
在翟村寺保

節孝坊爲趙祈年妻張氏立
在十九里溝保

節孝坊爲孫鳴鹿妻汪氏立
在減塚店保

節孝坊爲宋魁宇妻賈氏立
在東柳林村保

節孝總坊在青雲路內路東
知州馮繼昌學正翁光德訓導

洪忻爲闔郡節孝公立

昇平人瑞坊爲壽民周德茂建

百歲坊爲壽民楊景如立

樂善好施坊奉 勅爲記名提督李承先之母誥封一品夫

人方氏立
在南關外

陵墓

神農衣冠塚在城東北隅三皇廟內

湯陵在城東北二里明嘉靖二十三年知州王家相同知傅

榮封建三十七年御史張九功命知州張挺立廟堂門廊樹

之松柏乾隆三十六年知州鄭交泰率邑人李學書重修

湯陵碑記聖人之德帝王之治生而人歌誦之沒而人追祀之以有道存焉爾歷世既遠浸微浸滅殆而復振者吾聖道

扶持之功用也毫自墉東迤距不數里厥地曰鳳頭村內有叢塚盤積傍附古刹世傳為湯陵遺址顧其祀典舉廢不一

莫之禱焉凡觀人風者至是亦漫無所考焉嘉靖甲辰余承乏奉命來蒞茲土既至則欲按彼古湯正域舊區雖世代凋

謝幅頓無稽但撫若川原盤鬱察爾人心土俗不大異古雖獷悍之民或弊吾良於是為之喟然興嗟又想想見當時誓諸

所祀肇修建中之政制心制事之訓真足以垂法後人直欲弔彼古湯君臣於千百世之上如將陶陶然入於其地也於

是訪之而得所謂湯陵焉夫距古既邈遺感猶存顧斯陵之
修舉闕政理之得失是庸可以弗葺乎哉惟時州守臣玉子
家相副守傅子榮等罔不樂事協恭以贊厥成矣祠完而堂
房有翼經緯有章歲時嗣祀簋豆既陳黍稷惟馨庸畀千禩
蓋帝王之治雖易代既遠而聖人之德罔不煥然光也是烏
可以無傳以垂永久哉余謹按之商書云王歸克夏自亳則
克夏之年爲湯之元年湯卽正命自亳也及伊尹復政於大
甲則復歸於亳越數世而祖乙都耿至盤庚復遷於般蓋商
室世圯於河水之患屢徙不一雖民之安土重遷者亦不得
不從之故其陵寢布散蔓落易世之後不知所自云吁歎天
地之氣數日月有薄蝕陵谷有湮沈沈世道有升降而斯陵無
恙君子曰於是可以觀人紀爾嘉靖二十三年歲次乙巳四
月賜進士第文林郎巡按直隸監察御史李丕顯撰文賜進
士第鳳陽府知府前戶科給事中葛廷章書撰○湯陵碑記
陵在城北二里河北鳳頭村見郡縣表嘉靖二十三年同知
傅榮封建三十七年御史張九功命知州張挺立廟堂門廊
樹之松柏按史記成湯自契至湯八遷始居亳書有三亳西
亳在偃師皇甫謐辨其非湯所都明矣南亳在穀熟湯自商
邱來始都之書序所謂從先王居作帝誥是也北亳在蒙一
曰景亳山名湯所盟處春秋商湯有景亳之命是也考其地

理皆不出今州境百里之外而皇覽亦曰亳城北三甲有成
湯塚云是亳者成湯首政之地斯民所當報祀於世世者也
乃前此未聞有祀湯者何哉嘉靖戊午秋監察御史張君九
疇建廟於陵之陽祀焉廟成走書抵余以碑文請或曰亳之
祀湯禮歟曰祭法曰先王之制祭祀也法施於民則祀又曰
湯以寬治民而除其虐此實有功烈於民者也湯而不祀祀
典廢矣矧亳爲湯首政之地而體魄之所藏乎商俗最重祀
湯作帝誥孔安國謂作誥告先王言已來居亳而盤庚之遷
西亳亦曰茲予大享於先王則犧牲粢盛非亳之所常有事
乎亳安得而不祀湯也按風俗通湯者攘也昌也春秋元命
苞湯樂曰大獲獲者揀也夫湯之功烈赫赫在天下非獨毫
人之所當祀而毫人生於百世之後乃能聿先奏假爲天下
觀德之倡謂非禮之善物哉胙蟹之餘昔所云作福作災者
今始有所定而亳之民降福穰穰矣詩云勿予禍適稼穡匪
懈此之謂也若夫國之大祀所以爲萬世帝王功德之報者
則自有太常之典章在易用及哉是役也崇德善俗教民以
禮監察君可謂得觀風之體要而州牧奉揚善意以存國故
使歷世闕典秩然修舉其能亦足書也作成湯陵廟碑因以
詩系之曰有娥立于日先王居於祗台遷於商十有四世天

生湯道古聖賢基必張驪宮神告天降祥金符帝錄殊輝煌
百辟來享尚是常聖敬日躋官賞明一德咸有惟阿衡導我
嘉師四海清仲虺作誥湯寬仁行桐宮桑林帝之鄉景山九
松柏長大河東去何湯湯猗那久廢誰云將國故常舉委道
旁遺塚七尺城北方東都御史按水荒會行拜墓亭之陽持
斧於今更有光新廟奕奕雲天翔卜日得吉展元堂金玉俎
豆羅膾藉管聲嘒嘒鐘鼓嗶我民世世來盛筐謚我皇運萬
億昌明禮部尚書孫陞撰○重修湯陵碑記稽禹穴在會稽
辨者援史遷上會稽探禹穴謂當是蜀而非越嗟夫後世去
古既遠以譌相傳者不可更僕數矣史載成湯年百歲葬濟
陰今曹邑一統志皇輿考諸書皆屬曹獨郡縣表亭誌屬亳
孫宗伯記中按辨詳甚漢司農朱邑戒子曰吾故桐鄉吏葬
我桐鄉桐鄉民且世世奉我蓋其功德及人人思慕無已也
成湯自契至湯八遷始居亳從先王居既克夏還亳亭又為
畿甸先王顧諟天命撫綏萬邦民服厥命罔有不悅功德及
天下後世無已天下後世思慕亦無已烏在其曹與亭也而
亭為畿甸首政顧不桐鄉若乎陵距城二里曰渦陽鳳頭村
前明嘉靖二十三年州守王家相佐傳榮封建之記屬直指
李公不顯越嘉靖三十七年直指張公九功復命州守張從
立堂廟樹松栢儼然神棲焉記屬孫公陞即辨曹亭祥甚者

迨茲百三十餘禩即裡祀毋闕畧然歷經兵燹風雨剝蝕垣
圯頽圯守者因旁閣奉西方聖即以僧主之力勿能經營翰
弼守亭二年所數謁踟躕若有失者值歲不稔公帑匱不可
上請良有司俸既捐矣庚申秋民衣食稍稍給乃晉諸搢

紳曰猶是子姓之遺風也而合陵寢若是謂亭何不佞縱不
能道民出之仁義上法先王其不肅觀瞻聽廢隳謂守何守
敬布告羣勸厥事不則墟且夕矣諸薦紳曰善又召博士弟
子三老而告之博士弟子三老亦無不曰善爰是鳩工庀材

庚申七月二十又五日始卒事於明年四月二十又五日售
唯饗殿茲則創三楹為門門距數十武又創三列及殿及陵
所以崇觀也舊垣庫且薄土惡善漬茲則高尋有一尺厚半
之周遭堵一百九十三焉若木若竹若甍若甍而礪而際而
鋪而丹堊以及匠作之費統計自鏹五百又五兩陵地故饒
歷年久強者侵削侷十之七今度其廣袤垣內地二十五畷

有奇神道通北廣十一武南減其一河上成梁通往來垣外
地五畷有奇給僧守者葬是役也董事劬而最多者為薦紳
李君天秩例得書書餘資於碑陰示勸也康熙二十年歲在
辛酉十月奉直大夫知亳州事關丙唐翰弼撰山陰周雲魁
篆額上虞尹鏹書丹○重修湯陵碑記余治亳之三年民
稍暇則訪境內古蹟壇廟以次修葺葺城東北舊有成湯之陵

循例展謁延道松門不無蕪廢載瞻祠宇謀及更新州人李君學書慨然出任其役曰學書父義曾於前牧王公鳴鶴修時獨任經理屆今年再葺之費學書何敢辭余亦其篤敬前王而克承先志也於其成而謹記之考亭有湯陵載於皇覽因三亭異地今太常祀典定於西亭然後儒之考據者亦僅於古簡中按地名而已各有定而地無定陵谷遷移城郭變易水火兵戎之後蕩析離居有迥非其故址者墨守之家執故名以按今地縱極精核未見其百無一失也况近亭無崇山峻嶺可為表識此陵獨巍然於首政之地亭之人以為古我前王即真古我前王聖德常留何地不致其愛護哉今時俗好勝借重古人故老闕傳徒經聚訟雖儒臣藝士之遺蛻往往爭其坏土重若天球况上紹心傳下垂治統如成湯敢不崇祀弗替乎所望者亭之人知以湯陵重應知善體湯之訓書曰以義制事以禮制心又曰無從匪彝無卽慝淫苟能奉懋昭之遺以承今天子建中之化風俗淳美卽從此篤敬前王之心始子與子有言其故家遺俗流風善政猶有存者余愧未能上循寬仁之治猶願與善承家如李君者修葺蕪廢風示將來以冀留流俗遺風於萬一耳乾隆三十六年歲次辛卯八月奉直大夫亳州知州香山鄭交泰恭紀訓導寶山施灝篆額知巴東縣事郡人梁熾書丹

伍奢冢在城父縣西南一里楚平王處太子建於城父伍奢傳之後無罪而死招魂以葬今有廟存

獨母冢在譙縣西三里故老傳云有惇獨之母薛氏無子生自為墳卒安葬焉昔楚平王築譙城而薛母賑城夫後各益其土而大其墳

丁堯冢在城東南四十五里今為竹冢寺有碑

朱龜墓水經注在城東渦水之曲有墓碑

曹嵩冢在城南舊志云塚北有碑碑北有廟堂餘基尚存柱礎仍在廟北有二石闕雙峙高一丈六尺榱榱及柱皆雕鏤雲炬上學恩已碎今無

曹褒騰冢在城南

曹熾曹允冢

按熾曹騰之元子見水經注

在城南

夏侯湛墓在城東北四里

許褚墓在城南

張遼墓在城南觀音山前

譙定王司馬士會冢在渦水南

祁衛尉卿墓以子革為尚書郎贈爵葬譙之湯陰鄉見歐陽

文忠公神道碑

衛尉卿祁公神道碑銘惟太原祁氏其先出於黃帝之子二十五人一食於祁遂為氏太

原晉公盛於春秋之際祁氏亦盛於晉其後世遠而衰子孫敬亡之他國有居譙者即為譙人後幾世生公諱某公由曾

祖以來畜德蘊明世不大顯公生幾歲始有賢子革革咸平三年以鄉貢進士中第始以祿榮其親後幾歲公卒卒之歲

實景祐四年正月二十七日享年六十有一革既棄官服喪於家日月訖如禮起復就仕仕又某年始為尚書即然後又

以爵榮之一命贈大理評事累升衛尉卿夫人楚氏某人之女

世賢為公之配後公以卒天聖八年始以公夫人之喪合葬

譙縣湯陰鄉將葬乃考其世德刻石藏墓中又圖刻於墓隧

之外以暴露顯揚孝子之心也初公閒居常命革曰祁氏

有仕族名聲可稱聞者比比出於時自國家建隆以來天子

每歲下書四方舉賢能之士以官之而四方之人摩肩爭出

獨祁氏無一人之迹至譙刺史庭下稱應書者豈吾門遂廢

乎抑大廢而後興也或後遂興與由汝也於是盡出其家之

有益市羣書日釀酒為具以待四方之賓使與之遊每鄉里

大儒先生講說授學樓子即隨酒具以往勤勤盡其歡歲時未嘗懈怠不顧資產之有無者惟奉其家祭祀及以禮士君子爾由是浸漸以成人及享子祿不數歲乃終人謂力勞而報約何也既而享名爵登九卿然後鄉里榮之夫享子養人之常歿而榮不朽願天之報子孰云無厚薄哉惟公以純篤敦實履其身行其家以大其門教其子卒成其志志成矣而身沒身沒而名益榮矣今又得顯書其行揭之金石以彰為善之効而以其餘勸於後人得為賢也噫今有人負材與能昂立人上與時爭高下不肯分寸屈其心而卒困厄窮蹙快

快不得志欲一縣佐不可得以至窮且老沒無聞者幸而得志富貴極崇高即死而身名俱滅子孫至為僕隸轉死溝壑者亦不可數用彼較此得失孰多乎豈負材與畜德所享固不同耶碑具使來乞辭辭具又為之詩以貽謙里之童子使歌之以承公之無窮也歌曰衣車赫赫馳者誰生世不聞死莫知鄉居里門乃褊衣歿榮之存合名垂人有不信考斯碑鄉之有碑由子為後之父者宜所思宋歐陽修撰

費東田子康臣墓在渦河南

張八宰相墓在城東十里渦河之南元汝南忠武王張柔第八子宏畧卒葬於此追封蔡國公謚忠毅

平章劉甯墓在城西南五十里劉本亳人元之丞相也洪武初率部歸明後其孫劉寅官沁州衛指揮僉事

忠壯公何燮墓在城外東南隅城下忠壯公死事後吏日王

隆斗奉遺骸葬此

明山西左布政張定墓在城北

明考功司郎中薛蕙墓在城南薛家閣之西薛考功墓銘西

濟於多岐作約言學者執言誼以求見聖人之心而不能自見其心也作五經雜說方士穿鑿乎性命之外而不知養生性之為養生也世儒泥於有無之內而不知無為之為有為也作老子解先生之學無所不窺不名一家中歲始好養生家言自是絕去文字收斂耳目澄慮默照如是者若干年而卒未之有得也久之乃悟曰此生生死障耳不足以學然因是讀老子及瞿曇氏書得其虛靜清元之說不逆於心已而證之六經及濂洛諸書至於中庸喜怒哀樂未發之謂中曰是矣故其學一以復性為鵠以慎獨為括以喜怒哀樂未發為奧以能知未發而至之為窾自是收斂耳目澄慮默照如是者又若干年而後信乎其自信之確也而後著之於書嗚呼心學之亡久矣有一人焉倡為本心之說眾且譁然而佛老誣之矣學者避佛老之形而畏其景雖精微之論出於古聖賢者且惑而不敢信矣先生直援世儒之所最詆者以自

信而不惑其特立者歟先生少嘗刻鏤於詩世絕喜其工今所傳西原集者其少作也既有志於道則棄不復為雖為之亦絕不復較工與否然而西原集世爭效慕之而約言老子解好者鮮矣先生以正德甲戌舉進士授刑部貴州司主事病免起為福建司主事以才調吏部驗封主事嘉靖初先生任在吏部歷考功郎中而罷後十八年辛丑正月九日以病卒於家年五十有三其罷也坐論大禮先生自為刑部時值武廟南巡抗疏諫禍巨測先生晏然後大禮之議起迺譴為人後解為人有後辯奏入下獄已而復其官然已為權貴人所不釋矣已而有給事中陳洸構先生罪先生上書訟坐是罷後所構事解吏部數移文促先生赴官時權貴人且張甚曰是可褻裳而蹈淵也哉竟屢薦不復起先生貌癯氣清與之接不待叩其學而知其埃壙之外其行已素潔峻表裏傲然一無所緇好惡無所假借其才雖高然坦易洞朗破去崖岸豪傑皆慕與之交其庸象亦無嫉者獨以一二權貴人故至一斥遂不用先生方且藝圃灌花澹如也而當世咸其惜之先生居鄉絕不肯為人干請至戚里有病親為之檢方製藥常晚綿襖施凍者或曰焉得人人而濟之先生曰吾不愧此心耳先生始號西原居士後扁其齋曰大甯齋更號大寧齋居士而世猶稱西原先生云薛氏故隸偃師國初以成武平遂

為毫人祖琇父鑑封吏部主事自封主事君而上皆不顯然世推長者妣楊安人生三子先生其仲與其季萱皆無子而伯兄蘭有一子曰存先生與兄蘭友愛甚篤其沒也蘭為之立其喪將葬於毫城南先塋之次請銘於余乃竊取先生致虛極守靜篤未發之中而為之銘曰在昔老聃握元化樞人皆競巧已多若愚吾師歎焉其猶龍乎芬於未學枝葉日繁豈不苑然而撥其根維冊之生實自謙毫寂寥至今西原有作閉戶獨窺微言五千參諸孔庭獲我同然孔曰未發明曰靜虛立教有主其究豈殊自是返躬精思力踐默然一悟隨天遊衍毫之南墟有鬱其墳嗚呼西原其尚有存明唐順之撰文○薛考功墓碑嘉靖二十年辛丑正月丙申吏部考功郎中西原先生薛君以疾卒於毫之里第是歲十月庚午葬城南一里祖塋之次其友蘇州知府王廷伐石表其墓長洲文徵明書其石曰嗚呼先生天下士也今而已矣有如斯人可復得耶始宏治正德間何大復李空同文章望天下摘詞發藻輾轉漢晉一時朝野之士翕然尚之先生雖稍後出而聲華望實畧相曹耦又皆感慨激昂有志事功天下之士所為望之非直文詞而已其後二公以提學副使先後死先生仕嘉靖初為吏部屬寢顯矣而剛腸疾惡與時抵牾竟為小人所乘迄今廢死是其經世之學卓越之才與凡有為之志

皆不得少見於世而今已矣嗚呼予所為致慨於此豈獨為一時一郡惜之固為天下惜之也先生諱蕙字君采號西原晚稱大窳居士其先河南偃師祖國初以赤籍歷武平衛遂為亳人高祖彬曾祖森祖琇世有隱德父鎰封吏部主事母楊氏封安人先生舉正德甲戌進士初授刑部貴州司主事病免起告改福建司尋改吏部驗封司進員外郎再進考功司郎中卒年五十有三先生生而靈異七歲能屬文稍長出語已驚其里中長老十五補郡學生試應天不利歸益肆力於學質義揚摧雋味道腴經義之外尤攻古文詞毫故偏鄙學者無所承藉先生崛起齊民能自得師不階梯級徑造作者之域今大中丞儀封王公判毫得其文奇之曰是固何李之流也亟延譽之提衡引重俾益有聞故先生未仕而其名已隱然動京師及舉進士雅遊諸公間益精進不懈初官法比文法章程披抉叢勝而先生不忘問學羣經史籍讀之幾遍被服枕藉後遂以浹洽見諸論撰精深典則不為長語為詩溫雅麗密有王孟之風樂府歌詞追躡漢魏然先生不以當能直欲見之行事其治獄精審不為駝駝而析律詳明所當必允嘗蒞本科凡諸司奏讞悉從詳定傳爰論報既靡罅漏而又緣飾以文條列燦然一時法家咸推之以為能在吏部尤事甄別公清介潔銓叙為審故事曹務惟長官闕夾貳

佐漫不得省屬時曹長皆先生相知事必集議先生審畫精正每公言之在考功未久而展采措事已卓有端緒性疆執遇事直前無所觀望武宗南狩先生抗疏諫止同時諫者或標表示直或解慢恐諛而先生不評不隨直伸其志雖聖怒巨測而履坦俟命不為回折今上議追王之禮廷臣論奏紛然上意初無固必而主議之臣持之甚堅故諸臣往往得罪去先生曰是不可空言奪也乃著為人後解大要謂大宗不可繼絕而義變則適子可以為後又著為人後辯謂繼統故苟不受於君父亦不敢自成尊也其言出入經傳援據精核而詞旨頗激人為之懼而上不為甚忤甫下獄尋即貫赦而主議者銜之會陳洸者以給事中補外中道上書議禮得復召見言事因附當路盡擊異議者去之先生時已被原無可刺者遂起顏木之獄而先生去國矣先是顏守毫有武臣詩謾陰賊為暴於境內縱橫圍奪漸不可制顏盡發其奸私深探其獄而置之法至是稱冤下有司推劾洸以先生毫人顏其同年進士於中疑有奸利有詔勒停聽理已而事白而先生乃無所坐例得牽復然先生薦罹跋扈視畏途如棘縮斂自用不復有當世之志臺臣論薦歲無虛刻四方之士日徯其用而先生不可起矣先生恬靜寡欲舉天下之物莫有動

其中者所與遊非道義不親紛華聲利之言一不出口平生未嘗以私干人人亦無敢干以私者晚歲自謂有得於老聃元默之旨因註老子以自見詞約理明多前人所未發又喜觀釋氏諸書謂能一死生外形骸將掇其腴以求會於吾儒性命之理蓋亦閒居無事用寄其淵微深寂之趣耳或以爲有所沒溺而實非也所居之西隙地數弓卽所謂西原者故有水竹之勝至是益加樹藝室廬靚深松竹秀列陂魚養花日游衍其中著書樂道悠然自適遂以是終其身所著有約言老子集解五經雜錄大寧齋日錄西原集總若干卷先生事親孝居喪易而能戚與兄蘭雖異出而事之極恭家事巨細悉主於蘭同居五十年友愛無間先生娶趙氏無子蘭實主其喪云銘曰維薛之先優師其奕別籍於譙世載厥德顯允考功展世斯宏載言翼之華其英就不可言我掇其雋內澡玉融亦貞其踐踐德以升列於周行爰飭厥躬弗愆用弗折直據厥誠罔私以訐天崇地卑禮攸有定匪無經權我惟其正嘗嘗揭揭孰諛以阿豈天則高王人孔多彼王則多我攸有適向晦而明迺晏以息言考於樂履貞用恒著書滿家身否道亨繫毫之南有原惟塏我銘君藏以俟千載前翰林院待詔將仕佐郎兼修國史長洲文徵明著并書

方伯李國士墓在城南八角臺左

御史夏之臣墓在城南五里

明貢生王寰洽墓在城西龍興之都而爲州者曰臺古湯王

氏之所居也其俗好風雅而多文人其民淳龐而修君子長者之行其杰然最著曰明經仁子玉君君十五而補諸生以高才異等廩於庠九試不第而以恩選貢於廷既選入天官氏爲之目曰士也儒且德而嫻於政百里器也格宜令屬需次補一邑既歸而晚且倦於仕遂咏歌讀書施行其德以老故亭人皆曰若文人也又曰君仁人君之文章不顯於時而所著有懶園集上下卷其志氣倜儻不獲試於用而感時類物托事比興見於登覽吟咏諸篇其德澤不究於人仁心未溥於濟而能任俠好義不私其財急宗黨隣里之困而不求其報其事親孝與人交信醇心一意皎如日月屋漏不欺蓋眞讀書能見諸躬行者合微半通之輪備剗割之列如决河而潤千里縱大壑而凌風波雖古循吏以文章飭吏治者當不是過而名不出於閭黨行不越於庭除君子惜之按狀君節似魯男子温克鎮默類萬石君趨難急病如原嘗陳孟公

嘗暮夜却却主人婦之叩門深秘不對詹學師之咨訪粥飢民
掩暴骸廣施藥石以起疫癘之瘡其懷仁負義純白不滓而
不伸其用可嘆也士也藻績詩書鼓吹文史習一家言以自
鳴猶曰如枯竹空言無益利濟若乃敦崇行誼使鄉人慕義
無窮食德者歌天和感恩者誦不朽古人彪炳其文金玉其
德即生前之口碑豈不為千秋之永譽昔人云顏子不著一
書不病其缺於文章不仕一官不病其缺於事業其修之者
素而實大聲鴻有以也君世系生葬年月具誌狀中故不備
載以其文學德行不愧古聖賢之遺風故采其大者表之隧
道使來者知所式焉明通議大夫太子賓客吏部右侍郎張
文鼎撰

國朝亳州知州蘇灝墓在城西兩河口

蘇公留葬亳州公祀

沐浴聖化俗樸風醇然而按壤豫省五方雜居良莠不齊號
稱難治蒞斯土者才能吏治固不乏人而無忝厥職保終善
後恩澤之流久而爾屋則必以我公為最他人治之以嚴公
以寬濟之他人尚繁苛公以簡持之若曹參用黃老而嗣蕭
何歐陽承叔以平易而繼包孝肅蜀蔣琬以審諦寬大而紹
諸葛武侯雖各用其所長而實本乎其時與地之不得不變

者故民皆便之孔子曰政寬則民慢慢則糾之以猛猛則民
殘殘則施之以寬寬猛相濟政是以和然則公之以治亳其亦
審乎時與地之不得不變而務知其政者乎夫民既知畏法
而猶用法不已以繩之則民不知所懲而法亦必敝私恩小
惠察察以為明雖其動民甚速而為政也仁厚居心而清白之
操始終如一是以催科之中寓撫字謝獄之內多平反泯氣
風而安於無事者蓋十八年於茲矣夫人情相與之久猶不
忍以一日離况公十八年之德教入民之深而中民之隱毫
人士之愛戴為何如者而能一日離乎哉乙巳秋公忽捐館
亳人哭之如赤子之失其慈母公將引公柩歸故里而我
西兩河口留公柩葬焉歲時奠獻事公如生昔漢司農有德
於民或葬其衣冠史冊載之傳為美談而謂我亳人之於公
獨能已於情乎哉公諱灝字致遠北平順天府宛平人康熙
四十六年八月履亳任雍正三年八月卒於署壽六十有三
其人操守固而不可賄以私慈祥以施惠於亳民眾私謚曰
端惠為詩歌以祀公曰穆穆蘇公來撫是邦天災流行降此

鞠凶與廢首政賑我飢氓錫我壽考肇茲歲豐穆穆蘇公處
其爾職直哉惟清封靡是戡造舟成梁徧爲民德惠於湯都
無思不服肅肅辟雍我公戾止輪煥聿新祀事孔有濟濟多
士王國之楨矢其文德我公作人駕言桑田烝我農民率時
南畝東作如雲擊鼓吹幽靈雨其零我公蒞止自古有年布
政優優柔嘉維則天子有命表是一邑惠我無疆舉莫既之
公賓於天誰其嗣之彼墓之道奄有茂草我懷蘇公怒焉如
搗黍稷維馨犧牲是陳永言思之公德在人康熙庚子科舉
人吳江縣教諭
州人陶斌撰

梁嘯墓在十九里溝南三里杜莊西

亳州志卷三

封授正二品花翎四品銜升缺用亳州知州會稽宗能徵纂修

營建志

城郭

亳州兼譙縣城父之地譙縣之有城也始於楚平王築譙城
見太平寰宇記城父之有城也始於徐子奔楚楚城邑而居
之見春秋傳今城父久廢所建城之地乃卽古譙縣之址也
古焦城通典譙縣下魏文帝循渦入淮有古焦城

州城近而可考者宋真宗祥符四年臨幸謁太清宮時特賜
州城西門曰朝真門樓曰奉元北曰均禧門樓曰均慶玉輦
經過璇題炳煥亳城稱爲極盛

元蒙哥八年鎮將張柔自杞徙亳以連歲勤兵兩淮艱於糧

運奏請據亳之利元主乃命柔以山前八軍城而戍之是為

今城址之始基焉按柔既城亳因樹之碑其畧云甲寅諸侯

後可次穴城鹿豕獲以千計三日而後已諸將私相謂曰此

役徒勞此城難守意欲弛役柔介然不為動三月稍完迄丁

巳歲克成觀柔之碑畧如此其云柞穀械樸翳不可入似毫

在元時城北虎頭岡一帶林木之茂地氣之盛可以想見自

刑除建城又經國承平休息涵煦生齒日繁地土開曠

城北盡為民居自不得如昔時樹陰之蒙密矣

明洪武初築土城設衙署二十二年調武平衛守禦

宣德十年指揮周廣乃贅以磚石包砌其城築陣浚隍較前

完固按張柔雖始築城然亦旋傾廢明初復立土城至周廣

加以磚石修其女牆浚其城濠而城郭溝池益增守禦

之固

宏治十一年知州劉寧指揮石璽增設城樓分列四門之上

東曰望仙西曰朝真南曰武勝北曰吉慶

國朝定鼎歷任修葺雍正十二年知州盧見曾復於城樓之

上加以標題東曰起鳳西曰來紫南曰太和北曰望華乾隆

二十六年知州王鳴重修復顏其門東曰長垣西曰觀稼南

曰資慶北曰雲津

城東西廣二里二百步有奇南北袤二里一百步有奇周九

里有奇高一丈五尺馬道五尺基廣九尺長如其周之數

隍池深一丈且以大橋通池水形如臥牛名曰臥牛城隍距

城半里深約丈許居民名曰海濠附海濠禁碑亳州朱為公

保護金湯係本城餘址本非衛地亦且從無陞科昔經兵燹
之後民無居室者倚此浮居日久相沿繼經回祿遷徙靡常
旗丁妄指此為衛地今奉漕憲查明如詳存案復據海濠居
民王京等呈請勒石事屬善後准與立碑以垂永久○按海
濠雖有禁碑恐年久碑殘後人無所依
據錄碑文於此以杜將來爭訟之漸

歷任修城事由

乾隆二十六年知州王鳴以城節經冊卸詳請歸於急工案
內動帑興修咨部 奏允於二十七年二月檄飭興工計歷
八月告竣報銷銀一萬四千五百七十兩有奇 嘉慶十三
年十二月署亳州知州丁瑞麟以城垣倒塌八處詳請動帑
興修未及勘辦卽卸事 十四年五月陰雨連綿城又坍塌
十餘處知州李堯文詳稱亳州城垣一座共計四門建自前

明歷年久遠東西北三隅均多傾圮倒塌共有八處自三丈
至十丈餘不等先經前署州丁令稟請動帑興修嗣奉憲台
批飭委員會同確估造具工料冊結查明前修事案詳請核
辦等因轉行到州未及勘辦旋卽卸事卑職到任接准移交
遵卽周歷城垣逐一履勘東西北三處城堞城牆以及四門
樓堞實係倒塌殘缺亟需修整斷非粘補所能了事弔查前
修事案因歷年久遠霉爛不全後經大雨時行又復倒塌多
處而墻身亦多皸裂止在確查詳請委勘間旋據卑州紳士
孟興杓李偉章朱丙照孫之城鞏天木譚景元王家椿湯聘
程福安張國慶馬麟書蔣樹勳李升峰李齡柏胡渭川程軒

孫大麟懷璜趙麗揚馬繼堯黃用敷沈浩然尹大鵬王懷文
張扶清程秉武李學孟謝永太鄧豐菴雷震基道俊耿思純
汪守性李懷古劉啟壯王烜王光耀李如蕙李芳洲李居安
姚殿張尙選等稟稱城垣原係保衛民生如遇年久些小坍
塌自應民收捐廉修補祇緣亳城建自前明歷年久遠倒塌
太多工程浩繁生等情願捐輸云云於是詳奉憲檄准行十
五年四月二十五日興工至九月十五日工竣計捐銀一萬
七千七百兩 嘉慶十八年九月初八日豫省黃河決口水
漫渦河潰堤繞城將州城牆沖坍數段共計長二十九丈知
州李堯文復詳請修築遂於十一月十三日起工十二月十

六日工竣動用銀一千四百十八兩一錢七分一釐 道光
二年知府銜亳州知州任壽世詳稱州城建立年久歷年以
來屢被黃水沖刷直抵城根浸泡虛鬆以致坍塌日甚俱經
前州及卑職隨時稟報在案去冬今春雨雪連綿浸入城身
節據各地保稟報賊裂之處現俱倒塌各等情到州除經移
撥兵役小心看守正在親勘稟報間接准委員太和縣劉令
來州卑職隨即帶同工書匠役人等會同劉令親詣坍塌城
垣處所逐一細加履勘實緣近年以來節被黃水沖刷城根
空虛又兼雨雪連綿浸入城身以致城牆賊裂之處接續坍
卸若再因循致使將來坍塌更甚需費鉅繁且地當強悍卑

職等察勘情形實係應修急工刻難緩待按照現在坍塌工
段丈尺樽節確估除經造具段落工料細冊出具勘估無浮
印結移取委員太和縣劉令勘結詳送本府核轉外相應將
城垣續又坍塌情形及會同委員勘估急應興修各緣由一
併先行具文通詳仰祈憲臺鑒核俯賜查照急工之例迅速
批示籌款發項趕修以資保衛實為公便隨蒙督撫會 題
檄修遂於本年四月十六日開工至九月十八日工竣報銷
銀一萬四千八百十兩六錢二分八釐亳城屢受黃水之害
沖損時所不免其壞
濟事即士民輸捐雖云急公究亦彈力是皆可暫而不可常
可一而不可再者也故城當衝要或被水患或被淫雨理應
興修者自宜請帑動工况亳州為緊要之區又平野無險全

恃城垣以為保障倉庫監獄所關匪細果其傾圮者多其勢
急不容緩良有司據實呈請而當事無不驗明奏題觀乾隆
時及道光之初前刺史王與今刺史任詳請修理城垣歸於
急工案內皆蒙奏 允後先同符可謂繼美又前報銷銀一
萬四千有奇後道光二年內報銷銀亦止一萬四千八百有
奇銀數並不差遠此亦事之巧合者矣○奏稿附錄安徽巡
撫孫爾準奏稱穎州府屬亳州城垣建自前明久據該州稟
稱歷年以來屢被黃水沖刷去冬今春復又連遇雨雪城根
浸泡鬆浮城身接續坍塌若再延緩恐致續坍塌需費益鉅詳
請委勘興修又據鳳臺縣詳該縣城垣坡岸呈請委勘興修
未便稍緩各等情經臣批司委員親勘一面札飭該州縣移
撥兵役小心看守茲據藩司陶澍詳稱接准盧鳳道移會委
員會勘亳州應修坍塌城垣等項逐一勘估實需工料銀一
萬四千八百十六兩六錢二分八釐又鳳臺縣請修城垣等
項實需工料銀一萬三千四百八十八兩五分二釐四毫各造具
冊結由該管府道覆核遞加印結送司伏查徽省各屬請修
城垣係於司庫運司覆核帶征銀數千兩而水利工程典息銀兩動支
今司庫庫費每年僅帶征銀數千兩而水利工程典息銀兩動支
亦無存銀即有完解尚不敷本款之用因查江蘇省實應縣
請修城垣所需工料銀兩俱經該省撫臣 奏請在於蘇省

藩庫地丁正項銀兩動支上下江事同一例今亳州鳳臺二州縣請修城垣等項二共需工料銀二萬七千八百餘兩請照急工之例循照江蘇省之案在於安徽省藩庫地丁正項銀兩動給飭令具領乘時趕修完竣以資保衛等情詳請具奏前來伏查城垣攸關保障且該二州縣均係強悍之區係屬應修急工惟安徽省修理城垣向無動支地丁正項銀兩之案臣當經札商督臣孫玉庭茲准覆稱江蘇省實應縣城垣係 奏請動支司庫正項銀兩辦理安徽省事同一律等因臣按冊覆核均屬撙節估計應請照急工之例在於司庫正項銀兩動支飭令趕緊興修除咨明戶工二部外所有援例動款緣由謹會同協辦大學士兩江總督臣孫玉庭恭摺具 奏道光二年十二月十二日奉 上諭孫玉庭等奏估修城垣接例籌款興修一摺安徽亳州鳳臺二州縣城垣均因年久坍塌急應興修據該撫委員勘估亳州應修城垣等項實需工料銀一萬四千八百六十六兩零鳳台縣修地丁正項銀兩內動支辦理工竣核實報銷該部知道欽此○其援照江蘇實應縣請修城垣動支庫項之例在該省司庫謹按請修城垣向無動支地丁正項銀兩之案惟亳州與鳳

臺首開此例錄其奏稿以見當事者勤心衛民籌宜通變並恭載 聖諭仰見我 皇上厪念民生不惜帑金以資保障由始焉○附錄知州任壽世修城示稿示曰為曉諭事今擇於本月十六日開工所有匠人工價酌定章程大工每名發給工食錢八十文小工每名發給工食錢七十支每支每發一日均給犒賞烟茶錢八文其計夫工每日給錢八十八文小工每日給錢七十八文茲查向來修辦工程城關十處地保幫出壯夫此次工程浩大毋庸議幫以免各保賠累並不准借此派撥牌民所有應發工價按名按日查給該匠頭人等亦不得從中剋扣合先出示曉諭為此示仰各泥作匠人並該處居民人等知悉倘有該保及各匠頭藉此勒派牌民勒扣匠人工價許爾等立即指名赴州具稟以憑究治决不寬貸

圩工附

護城磚圩一道咸豐七年知州博銘倡建自州城東北至西北隅計長一千零八十丈高一丈七尺至十一年工竣

保者自城東北隅西至乾魚市長三百六十丈在火神廟保者自乾魚市西至半截街長二百八十丈在明王台保者自半截街至城西西北隅長四百四十丈監修紳董石琅魏鳳岐李彬劉士珍王如新李珩鄧如璧詹憲運韓廣煦陳鎔馬介菴姚德榮李其璵楊本揚劉復元蘇鳳元蘇廷獻馬承德

渦北岸德聚圩同治六年知州王懋勳與州紳楊忠義張建祥姚文禮姚鳳儀孔憲武等倡修東至董家街西至分司街北至火神廟南至渦河沿東西距二里南北距一里半周圍長一千零八十丈均土工 光緒二十年知州宗能徵稟奉督撫憲批准督同董事姚鳳儀郭玉光等勸集商捐改修磚圩

公署

州治在城東門內唐總管府舊址也宋慶厯間知州夏竦修

之紹興中經兵燹元蒙哥元年張柔復建延祐申知州姜大

亨至元中知州蓋苗相繼修之按亳之官署見於昔人之載籍者唯唐陳章甫亳州糾曹

屬壁記為最古然所稱糾曹乃錄事參軍今亳無其官其次則元張瑾諫縣尉解記猶為近古然所謂尉者與今之吏目

相等吏目職主盜賊即昔之尉也元初立譙為重鎮平江府後僅為州治是時官署雖建而譙縣之尉尚無公廨每歲民

廬以居迨至正壬戌年始建尉廨而亳州之官署乃備距張柔成毫幾七十二年此亦考古者所宜知也

明洪武時知州張文弼重建六年改縣正統成化中知縣徐

貴王瑾謝宥以次續葺按江南通志亳州知州署在城內東

武元年即葺亳州創建州署不在五年也

宏治十年復陞爲州知州王沂以舊縣堂爲二堂創建大堂
門庫六房同知張淮築臺砌甬道鳳陽左給事中孫孺作記

按明王鏊亳州興造記稱東魯王侯沂以選來知州事又云
改作州前堂後寢左庫右廳東西列吏舍後又作庫樓二
重門固鑄用戒不虞經始丁巳之冬迄辛酉而落成焉
又皆高廣宏敞丹雘煥然遂非昔日之毫者卽謂此也

嘉靖中知州孫元卿重修廳事中爲知州衙東爲同知衙西
爲判官衙次西爲吏目宅前稍東爲儀仗庫稍西爲吏目廳
兩翼爲六房甬道中央爲戒石亭前爲儀門門稍西爲狴獄
門東爲土地祠爲迎賓館南爲大門東爲旌善亭西爲申明

亭

按此乃明州治之舊規也今州判衙久廢崇禎中汰判官其署亦廢管糧解字僅存其名

治前照壁臨東門大街大門上鼓樓三間儀門三間大堂五

間堂名誠求香山鄭交泰題

兩廡爲六曹辦事房大堂後爲川堂川堂之北東爲庫樓宅
門內三堂五間額曰思鞏德州盧見曾筆也

後大樓五間匾曰去天尺五雍正十二年不戒於火今造平
房五間於前其左邊隙地向有倉廩舊址係知州鄭交泰所
建後倉亦傾圮知州李堯文改建平房二重繚以牆垣附於
正房五間之側知州任壽世增建東廂二楹今爲內宅

三堂之左爲東花廳前知州盧見曾植牡丹芍藥於庭因築
草亭於對面題額曰種花亭今亭廢

三堂之右爲西花廳有古槐如蓋前知州陶琛題額曰槐蔭

西齋前後羣房耳廂為幕僚憩息之所

上諭碑亭在州大堂前

庫樓一間在宅門外之左

倉二十間在州大堂東州同署前按此乃國朝之署制也

後屢有傾圮至嘉慶時知州李堯文詳請借欵籌修動用工料銀二千三百九十一兩二錢七分七釐已詳明墊欵銀一

千五百兩自完工之日起限流抵後任無分正署分作八年計日攤捐歸還墊欵仍有不敷銀七百九十一兩二錢六分

七釐知州李捐廉獨認至道光二年州署又多坍塌自大門以至內署柱瓦毀落牆垣傾倒知州任壽世重為修葺凡大

堂川堂以及甬道俱經整理如式咸豐三年癸丑夏粵逆陷

為治所光緒八年代理知州張樹建稟請以逆犯許長松光武廟保楚家樓充公坡地三十餘頃備修衙署之用查楚家

樓充公之地係咸豐五年知州宮國勳以文生許長松勾結捻匪包攬詞訟挾制官長稟奉撫憲福批准將其業地充公

入官當經該生呈繳紅契在案光緒十九年知州宗能徵通稟各大憲請以前地變價修署現已奉批准行○謹按我

朝之例凡衙署坍塌准在司庫借領銀一千兩領後分限三

年在於應得養廉銀內扣還歸欵此一定之制也然有領毀

日久或積雨之後坍塌過甚辦公無所者自宜急為修整而

安徽修理衙署借欵之銀乃出於司庫匣費恐一時詳請往復未及領到而構材動工事有迫不容待故借欵雖有此例

而未領欵先動工者頗多然則既修之後流攤後任分年歸

欵亦權宜之計也

州同署在州治東兵燬未修今僦里仁街民舍以居

吏目署在州治西同治八年重建

獄禁在州治西同治八年重建

學正署在學宮西即舊明倫堂故址

訓導署在明倫堂之次西

都司署在東門大街兵燬未修今權借南門大街舊典商房
千總署舊在都司署北即舊衛衙故址也前任馬世傑以規
模狹隘購西門內民房改建嘉慶三年千總劉文波十八年
千總黃玉相繼增修咸豐初燬於兵今移就義學為辦公之
所

日近亭在東門外光緒二十年知州宗能徵創建

教軍場演武廳在南門外

上關舊在河北仁和街今移過河南岸大王廟內

下關廠廳三楹舊在城東北張家橋過河北岸去城一里今

移在古楊柳庵牛尾橋南

土藥稅釐局光緒十七年新設無定所

僧正司道正司陰陽學醫學皆無定所

廢廨附

行察院舊在州治東明宏治中知州王沂建按宏治時王沂所建者乃公館

耳後正德年始改為察院

行按察司署舊在州治後相傳為魏武故宅後為玉清宮明

正統六年知州盧試榮建為察院正德五年復改按察司

澄清司風紀司舊在城內東北隅正德中知州張思齊建為

公館嘉靖時知州張挺改置察院按鄭志云兩司之署明無其官可約畧而知為巡方

之綽楔也夫一行署而三易其處是州縣之奉巡方甚恭前朝積重之弊可想矣

武平衛治在州西洪武年指揮方海創建宏治二年指揮石璽更造廳事後廳各五間經歷司鎮撫司廳各三間步廊七間庫藏十五間東西廂各五間六房十六間儀門大門各三間左右中前後五千戶所各廳事三間及演武廳將臺門廂一切締新之

衛千總署二一在都司署北一舊在州東關後改建於東南角火神廟後街今皆廢

軍器局在城西北隅洪武年指揮方海建榜厦在衛衙南預備倉在衛治內衛獄在榜厦西官廳在察院東演武廳在城西門外一里許

軍儲倉舊在州治東卽舊儒學也舊設有倉大使署按順治

儲倉舊設倉大使一員攬典一名斗級八名今官與署俱廢

長安倉舊在城北馬尙河東明正統五年典史曹受建

稅課局舊在州治西明設課大司一員嘉靖二年裁革今改

爲吳必學張挺二守惠政祠按稅課司明永樂年間已裁知府章銳復除大使至嘉靖時復

裁市民蔡金揚經始改立吳張二守惠政祠

桑棗園舊在城外東北隅明洪武二十七年設今廢

孤貧院在城東北隅明宏治年知州王沂立久廢

關津

上關在渦河南大王廟

舊在城北仁和街

下關在城東北牛尾橋南

舊在城東北張家橋

靈津渡宋真宗賜名

詳見古蹟即今永濟橋

李家渡在城東北二里

車埠渡在城東十里


韓家營渡在城西五里

望仙伏龍橋在城內西南隅

詳見古蹟

文明橋在柳湖書院東

石橋在衛後街今淤



亳州志 卷三 關津 一

東門外馬橋嘉慶十八年黃水冲塌邑紳何天衢捐修

西門外馬橋

北門外馬橋按三門皆有橋而南門獨無橋者以形家言城如卧牛南門正牛之頸項也

永清橋在北門外本曰靈津渡宋真宗賜名明嘉靖間刺史

范暘改建名曰范公橋康熙三十年知州朱之璉命行僧如

意募化九年修成更名普濟康熙五十九年孝子李長桂倡

修雍正三年火燬長桂復修乾隆九年署潁州府知府李國

相率知州朱屐并州人王蘭生翁坦如等重修始名曰永清

乾隆三十年知州王鳴率紳士王士英改建石橋欄楯皆石

爲之下通淮泗上接雍梁平廣袤延儼如闔閭輪蹄來往有

已過而尚不知者爲南北第一大橋故俗呼曰大橋四十三

年黃河决口橋圯州紳何天衢獨力改修浮橋同治年橋復

壞邑人張萬祥李從仁王步青共募二千金重修永清橋碑記

淮間一都會北達秦晉南通吳越其治之北郭渦水環之百貨所集富商大賈咸聚於此宋時設靈津渡明有范公橋康熙

熙丙子復建錫名人和後重建易名普濟輪蹄絡繹踵接肩摩利賴久矣數百年來屢壞屢修其間營度捐輸之士俱已

泐石遺碑猶存乾隆四年水暴漲挾黃流而下瀉蕩震撼木石盡傾民方舟以渡維濶排間有顛溺者苦爲民病七

年郡伯京兆李公按部見而憫之將請帑爲浮橋已估計若干而前明府金陵朱公以爲計非經久宜仍建石橋於是與

諸父老謀區畫經理度材幾何工幾何匠氏餼廩幾何訖有成算詢謀僉同乃特舉里中老成練習勤敏有幹局者王蘭

生翁坦如等四十有三人仔肩其任設法募助儲蓄金錢以待興築斯時也精誠所致遠近響應翕然慕義者莫不樂輸

恐後不二年財賦所積約可集事遂擇於九年八月初一日開工四十三人者分工辦理某也總攝其事某也鳩工庀材

某也司會計經出入某也仍任勸施以足用悉自攜斧資櫛
 風沐雨朝夕寒暑無懈無怠維時朱公亦曰歷工所勸懇懇
 懇鼓舞舞作興之由是人益奮思畢効其力也未幾以憂去海
 竊陳公三原楊公州繼蒞茲土恐艱鉅之功或致中墮悉心
 殫力亦如朱公且捐俸為助蓋先是規模已就十之七至十
 一年冬橋遂落成比前加高廣固以鐵陳公名之曰永清志
 慶也余以乾隆十五年歲庚午夏六月奉檄來守是邦見是
 橋之巍然聿新詢之司事者因得詳其橋之所以始與橋之
 所以成爰論之曰如有未了之事余一一為成全之非敢希
 美前賢蓋除道成梁几為政者與有責焉耳越歲董事人請
 曰橋雖成尚未勒石恐賢牧之勤勞勤力之祇承久而湮沒
 願公為之紀余歎曰使守土者而盡如數公則何利不興濶
 事者而盡如王蘭生翁坦坦如等則何政不舉余雖未與斯役
 樂觀厥成乃述其顛末暨諸姓氏於碑陰與橋並傳不朽云
 乾隆十八年十二月朔奉直大夫知亳州事大興嚴文照撰
 涖浦生員邵琪書○重修永清橋碑記亳州形勢曠衍其受水
 巨浸曰渦河下接淮上近黃當豫省之要明嘉靖刺史范賜
 建橋於州之北關所以捍水即以利行人誌稱范公橋是也
 然池流搏鬻廢興不一始名范公橋繼名普濟後曰永清考
 國朝百餘年來一築於康熙三十年田維賢捐三千金為之

倡一修於康熙五十九年李孝子長桂至其事又重建於乾
 隆九年前州牧朱公辰倡率紳士王蘭生等勸募以成竊以
 為憊年不久屢勞興造此固由水之橫決其來不可測抑以
 毫無山石難於購運類藉築塚駕木以便往來故究同畧約
 之支不可經入也余於辛巳夏初蒞亳相度水道思有營建
 是年秋豫之楊橋河決一晝夜渦水迅長不沒高岸者僅三
 寸濤聲噌吰喧呼遍野余夜起整衣冠默禱漏方盡步泥曳
 水親詣河干祭告水忽從上流他注以殺其勢兩岸居民幸
 無恙而橋已漂蕩但餘亂橋殘壘矣夫亳為山陝通衢輪蹄
 絡繹而渦河近城北一帶自商賈百貨所聚集斷不可一日
 無橋惟是鎮水德之靈長盡人功之堅確事在能圖久與不
 辭勞而已集紳士議之凡前所架木成之者必皆易之以石
 於是慎選老成審定規模計河寬三十二丈二尺七寸分為
 九圈下植巨樁深三丈四尺上壘密石面封巨石其為工也
 固矣其為費也大矣余與諸同寅捐俸以倡紳士繼之設法
 釀金無不踴躍而董事各任所長共二十有餘人太學生王
 士英尤以賢勞著士英素樂善廉介有操行人其信之其於
 斯役也不但自捐而四載之賸苦難以盡述總掌募項親督
 工無間寒暑凡四年而橋遂成矣余因念治亳以來時和年
 豐其有關古蹟有便民生者罔敢任其廢墜如湯王墓何忠

壯祠以及城工東南鄉水利皆次第告竣而斯橋為川塗要道賴各董事實力贊勸勸募至二萬七千餘金之多鳩工庀材善建不拔較從前九年之興造今改發石圈計增石甄倍之復能約己裕公凡所一切茶湯飲膳皆各解囊無絲毫支及捐項故用力專而工益加固甯不足感靈河伯永監人事矣則未嘗不私幸余之來此其於商旅居民猶能有濟者皆任事之得人相與成功也爰為之記以勸諸石抑更有與民約者橋之成非易矣其兩旁勿令搭蓋篷架舖設貨物一恐有礙輪蹄一恐日久爭估倘敢不遵鄉保指名請究其勿忽亭州知州深陽王鳴撰○重修永清橋碑記亭故湯都漢南譙郡豫州接壤山陝通衢為往來商賈四方賓客之所畢集其橫亘北關外者有渦河架木為橋以資利涉宋時號靈津渡前明嘉靖間刺史范陽改建因名范公橋載州志可考渦河上通黃水下達淮江受豫之委黃河潰決亭先被災橋不能支屢修輒圯 國朝康熙三十年行僧如意承州牧朱之碑命挾冊走募得善士田維賢捐銀三千兩揚州興化季大有捐修中節餘者州人助成九年畢工又更名普濟閣康熙三十九年橋木敗腐本州孝子李長桂倡修又雍正三年火燬長桂再修今 上諭御之四年黃水漲溢衝激尤

甚時廣德李公國相著頌州府事經臺邑目擊情形亟申請上憲檄州牧金陵朱公展遴選四十餘人公舉王蘭牛為總理自九月五寸設櫃勸輸一切行貨客尚數稽磨石拔取釐頭其他搖會彩資盡歸捐項鋪戶門面日派雜難錢五月朱公以憂去署州陳公詔接任楊公遵時後先經理十一月二日告竣改定今名曰永清橋意謂庶幾可以久矣迨乾隆二十六年七月豫之楊橋河大夾挾黃河之水併入渦河一晝夜間水高數丈兩岸居民半成巨浸橋隨浪滾徹底漂流行旅回踪洪波中斷幸深陽王公諱鳴者蒞任已三月集紳士會議謂茲橋所以易圯者由於架木必盡易以石始堪垂遠而亭邑無山艱於營運遂悉做朱金陵遺法諭眾鑄資壘趾以石承磅橋面封以鉅石捍勦事者二十有餘人而董成者國子舍王君士英獨肩其任士英樂施好義才畧夙優品潔行廉兼耐煩苦戴星還往自備供餐以辛已秋經始至乙酉冬訖功四閱寒暑糜金錢二萬餘兩凡發為橋圍者九高加於舊者五尺履道坦坦頓成巨觀昔歐陽永叔記偃虹堤有云大事不患於不成而患於易壞作者未始不欲其久存而繼者常至於怠廢計前此屢修弊在維需木料茲得一勞永逸功在甄石全施遙憶自今以往時和歲稔允猶翁河即或漲倒狂瀾其亦可以無慮矣余適司鐸譙陵快觀斯

舉籍以王牧為民捍患士英從事賢勞捐輸前共皆
可書也因為縷述其詳俾勒諸石亳州學正劉科撰

東二橋在大橋東一里光緒年邑人石萬金吳純修李信廷

盧合盛道璐張益元陳和鸞陳永申陳治平李心魁郭棣趙

長清傅登瀛王澄王元亨同修有碑

牛尾橋在東二橋之東一里俗呼曰牛家橋

李埠口橋在牛尾橋之東同治五年邑人石崇磊創修板橋

一道

張家橋在牛尾橋之東關口下今廢改建雙橋

霸陵橋在牛尾橋之東一里明宏治四年建今廢

西二橋在大橋之西一里許即米市橋嘉慶二十年修同治

六年邑人魏景文孔憲武李樹德南如蘭等重修

永慶橋在西二橋西半里道光二年修今廢

太平橋在永慶橋西嘉慶十五年修同治年邑人雍增華吳

興文李大楹馬介庵王步青楊九忠王德泰武運隆許鑑之

勝掄秀盧合盛孫德馨周行何其清僧洪烜僧教讓重修有

碑

馬廠橋在太平橋西一里清河口

鄭家店橋在清河口南岸接馬廠

西臺橋

孟家橋在太平橋西四里

兩河口橋在孟家橋西

十八里舖橋在兩河口東

板橋在城南九里溝清水河保俗名板橋口橋久廢續建甄

橋光緒初重修有王萬春者出資百金助修工成

范家橋在城南十里傾圮已久嘉慶十年有馬辰者身嘗為
傭以其所蓄獨力重建

閻家橋在城南十五里清水河

甄橋三座在城南十八里閻家集道光二十四年建有碑

鎖家橋在城南二十里閻家舖每逢秋雨水勢汎濫橋西居
民欲掘大路以順河流橋東

居民欲築大路以防水患彼此爭訟不已道光二十
十二年知州文廷杰築甄橋兩座以解之訟始息

紀家橋在城三十里

十字河橋在城南三十里道光三十年修有碑

張家橋在城南三十里十字河道光三十年修

通津橋在城南四十里卞家舖道光二十六年修

油河橋在城南四十五里

雙溝橋在城南五十五里

孔家橋在城南六十里

范家橋在城東南七里跨麥稽溝

權家橋在城東南七里跨麥稽溝

岳家橋在城東南十九里道光二十一年州人郭有德等倡捐重
建成豐元年郭增祥郭有訓繼修

高家橋在城東南三十里

東板橋在城東南三十里同治中里人王太長捐修

西板橋在城東南二十里里人衛守備馬俊立創建橋毀同治六年其孫馬壽圖捐修

普濟橋在城東南三十四里衛人王傑建舊志云四十里

平心橋在城東南三十五里翟村寺東狐狸澗卽田家溝橋道光元年紳士王宗魯等創建

費數千緡同治年里人王廷立等繼修

甄橋五座在城東南三十六里光緒七年邑紳李承先蔣希夷王祥貞陳碩彥李心敬修

紀家橋在城東南四十里梁家集保舊志云在城南三十里

甄橋二座在城東南四十里梁家集保

劉家橋

牛家橋

江家橋以上三橋在城東南四十里賈家集光緒五年邑人李承引等重修

趙王河橋在城東南四十里同治九年重修

翟家橋在城東南四十五里

郭家橋在城東南四十九里光緒十年邑紳李承先李承引

梁福來李承雨重修

瀾河橋

中心溝橋以上二橋在城東南五十三里同治十一年邑人李承引等募修

傅家橋在城東南六十里

聶家橋在城東南六十三里城父集北今淤

陶家橋在城東南六十五里

九空橋在城東南六十五里三丈口長九丈餘一名董成橋

大橋在城東南六十五里

元橋在城東南六十六里

謝家橋在城東南六十六里一名卸甲橋道光二十六年修有碑

李家橋在城東南六十七里舊志云七十里王岡營西北三里許跨

明河

塔中橋

楊家橋

大橋

大楊家橋以上四橋在城東南七十里立德寺

蔣新橋在城東南七十二里城父集南

傅家橋在城東南七十三里城父集西舊志云在東南六十里

甄橋二座在城東南八十里龍德寺北道光二十七年修

甄橋一座在城東南八十里龍德寺西跨淝河

三空橋

花溝橋以上二橋在城東南一百里中心集

高家橋在城東南一百二十里

興隆橋在城東南一百二十里高公廟光緒二年邑人張思

安修

來龍橋

臥龍橋

盤龍橋 以上三橋在城東南一百二十里高公廟○按舊志

家橋在城東南七十里義門集劉家橋湯家橋孫家橋懷家

橋在城東南一百里花溝集樊家橋盧家橋大石橋孫家橋

西石橋燕家橋在城東南一百十里雒河集連家橋登雲橋

車店橋在城東五十里沙土集

五空橋

三官橋

觀音橋 以上三橋在城東

辛橋

棗木橋

小陽河橋 以上三橋在城東

王家小橋在城東五十二里

平心橋在城東五十里楊家集光緒十四年邑紳蔣東才吳

雲青馬志勤楊蔚然吳雲衢李承先王祥貞捐修

師家橋在城東五十五里

趙家橋在城東六十里

朱家橋在城東三十里

龍門橋在城東北二里鳳頭村道光年修光緒十五年徽籍人朱運豐捐修

大甄橋在龍門橋北

五馬溝橋在城東北十八里居民楊黨等修

張家橋

四空橋

九里十八空橋以上三橋在城東北十八里五馬溝

武家河橋在城東北二十三里

十里八橋在城東北二十五里鳳尾村乾隆五十二年監生

崔繼先修其子崔廷臣孫生員崔大本相繼重修廩生成貽

安作記

王家橋在城東北二十七里

上李橋在城東北三十里

包河石橋在城東北三十里武平衛張沂修

清樂橋在城東北三十里泥台店生員魯福繼倡修又築包

河堤又立義學於鄉知州朱辰嘗給匾旌之

王啞叭橋在城東北三十里泥台店嘉慶十三年王全體等

重修重修王啞叭橋碑記是橋之名因人而名也人名而何

也不忍忘其朔也嘗聞耆老之言曰鄉有前輩王姓者忘其

名字少病瘡家於河之于見人之病涉者而憐焉乃自擔土

為壘於水中凡數十壘而後達兩岸焉自是行者便之而亦

亦病歷數日忽昏著作嘔吐狀及醒遂能言乃益募金購磚

亦病歷數日忽昏著作嘔吐狀及醒遂能言乃益募金購磚

亦病歷數日忽昏著作嘔吐狀及醒遂能言乃益募金購磚

亦病歷數日忽昏著作嘔吐狀及醒遂能言乃益募金購磚

石僱工役成巨橋十數空而在啞叭橋之名以著方公之擔
土爲壘年未及壯又無人以助之往來奔波汗揮下如雨行
道者傷之而公不以爲苦夫豈有所爲哉且夫瘖聾殘疾天
民之窮而可憐者也乃不暇自憐而憐人且不祈憐於人而
惟哀夫往來阻壅顛踣於水者之無人憐也豈非所謂人心
爲質者耶及壘成而壅者通已之壅於口者亦通天之報施
善人何其適相合也予嘗謂天能困人而必不可善公不以瘖
善蓋斬其財而力可善斬其耳目而手足亦可善公不以瘖
爲恨而以他官體之具爲非偶於是焦心勞思苦筋力以成
鳴驚人必大發其能言之用以訓俗而維風如古時木鐸之
徇橋工之成特其一事焉耳建橋之歲莫可紀矣至乾隆二
十年後漸卽殘缺有張承武王喬年權七祿呂惠公張德政
等修補之後乾隆四十二年黃水衝激橋俱圯至今嘉慶十
三年壬全體剝平章權思堯焉理平等倡義修築四方居人
聞茲橋之名悉樂出其資財以襄事經年而工竣屬余作文
以記之余辭不許乃謂之曰人之愛其財與力其情無以異
今諸君慨輸金資而無難色與前輩之擔土營營同爲惻也
之實心而非有狗名之念也至遐邇奔走以募告攬石運灰
其勞費亦約與前事等而諸君樂之何茲鄉之多善人也其

亦聞前輩之風而興起者耶橋舊無碑其創建之始末與前
輩瘖而能言之故皆僅得之傳聞今恐其久而湮沒且無以
勸善也故不忍易其名而叙其事亦特詳云至橋之名人多
嫌其不雅而予獨感其事之可以風世也他若雁齒紅欄天
津綠水甘肅之簫吹月夜萬里之魂消柳枝徒以資觀賞而
牽羈愁其感人之淺深視此當何如也永城縣舉人王敏尊
撰

龍頭橋

三空橋

岳橋以上三橋在城東
北三十里泥台店

梁家橋

董家橋

蘇家橋以上三橋在城東
北三十里保安集

洪河橋在城東北四十里乾隆三十年知州王鳴率州人趙

助尙崙劉岩等修重修洪河橋碑記喜地形素稱平曠無山

非畧約能支費最繁功亦最鉅洪河者北流巨浸也嘗周覽

水道南有肥北有澗而為溝為潭為溜近於陸行孔道者惟

洪河之盤盪消神勢尤壯矣明萬曆間創有石橋興廢不常

及國初重建屹然也而波騰湍激數年來半就傾頽行人

病之夫毫為南北通衢中用鎮鑰雍梁兗豫吳楚百貨輻輳

霜蹄塵輦擔豎販夫絡繹不絕而斯橋適當其衝一日不築

商旅之害何亦守斯土者之咎也州者士公請倡修余因偕

同寅各捐俸以助而慕義樂輸者纍纍太學生趙助尙崙劉

巖等董其事入山選材擇匠授事築茅舍為督工所飲饌皆

自給暑日寒霜相度無間初不待余之懸馨鼓以勞來也蓋

其利物濟人之心有共出於誠然者矣竊念予蒞亭已三載

修城垣通溝洫凡一切廢墜當舉者皆不惜設法倡導思便

於民其橋工之最大者莫若北關之承清橋現興工作費將

踰萬澗河鎖峽事非得已然大半實為兩岸商民貿易計若

此橋則數省輪蹄上下所必赴之交途固不獨免居民之招

舟問渡已也自壬午五月鳩工迄今年十月而橋告成雖厥

費不及承清橋作之二三而數亦以千計工無虛耗力能倍

勤石固橋深堅圉勝昔其庶乎足鎮洪河之水永傳利濟之

恩而回念未修築時雨雪之晨嬰珊瓊榭踈踈難前甚且覆

轍墜淵間有不免則今日之商旅駢集往來如坦其功德為

何如哉而於王政斷補平道路治津梁即余亦可藉告無忝焉爰為之記知州王鳴撰

五空橋在城東北四十八里劉家集跨包河

孫家橋在城東北五十里光緒六年庠生張濟川倡修

雙橋在城東北五十二里光緒六年與孫家橋同修

洪濟橋在北門外一里上有洪濟庵門前有洪濟井劉科作

有碑記今廢

陳治溝橋在城北二里久廢今改修甄橋一座去陳治溝嘴

里許

瘟神廟橋在城北二里鳳頭村

洪河口橋在城西北柳林村

汪家橋在城北三里

孟家橋在城北五里柳林村

楊八里橋在城北八里

平心橋在城北十二里光緒十一年邑人孫佑屯倡修

邢家橋

華家橋以上二橋在城北十二里東柳林村

周家橋在城北十五里光緒十二年重修有碑

張家橋

武家橋

薛家橋以上三橋在城北十八里小朱村光緒年修

甄橋在城北二十里小奈集道光二十四年重修

甄橋十五座自城北鳳頭村起至大顏家集光緒八年邑大

張萬祥王步青李元良協力捐修

三里橋在城西北五里西柳林村

高家橋在城西北五里以上二橋久廢

探花樓橋在城西北二十七里邑人孫佑屯修

李家大橋在城西北三十里今廢

浮家橋在城西北三十里安家溜

板橋

宋家橋

鐵佛寺橋

以上三橋在城西北
三十五里減家店

西臺橋在城西二里

九里橋在城西九里溝俗名小石橋今改修孟家橋離城四里

龍潭寺橋在城西十八里乾隆二十九年里人李蟾桂等重修


永清渡橋在城西十九里澗清鋪道光初何玉美等創建侯家橋在城西南三十里

王家橋在城西南二十五里

舊志作三十里

光武廟保光緒三年經

例貢楊環九監生徐懋修王大武張崇信等募捐重修



善堂

廣善局在州城咸平寺內乾隆三十二年知州張肇揚創建

有記

記曰天生民而設官以牧之將使之涵濡德澤休養生息老壽耆頤幼孤遂長而非先知其疾痛以為之所其

曷有濟余幼時讀曾南豐越州趙公救苗記輒慨然欣慕及服官以來奔走風塵偶有經畫恨不及前人萬一然考其設

病坊給藥石民不幸罹旱疫得不死雖死無失殮埋此豈異人任歟南豐云其施雖在越其仁足以示天下其事雖行於

一時其法足以傳後世有哉是言也余任六安師其意而行之名廣善局在壽州又行之名廣濟局至今兩地之民賴以

活賴以葬者歲不勝計丁亥冬量移初定以憂去余繼之捐俸地形議建咸平寺於城之乾方議初定以憂去余繼之捐俸

錢二十萬助工費而士庶皆樂於趨事爭輸恐後規制遂較初議益宏麗余因念致力於神必當先成其民喜俗素恃強

自疾則好服剋伐大劑往往以此傷其身貧者無力求醫死則藁葬甚且暴骨不著土中尤可哀也就寺西偏設施藥所

擇知醫者司其事問病給以藥其藥皆衣古方多奇驗人以為有神助云也其焚獨死無所歸以棺收瘞之自設局迄今

己三越歲董事者無倦色署其局曰廣善蓋較六安壽春兩局利更溥焉先儒有言一命之士苟存心愛物其於人必有所濟余所行此非敢沽名蓋亦遵古人恤蓄之意求不負初心云爾今咸平寺將落成署篆勗堂孫公為之記而耆庶以廣善局尤余所勞心籌畫而成者請誌其事勒諸石余以事能傳久為貴歲計局所費不貲皆賴諸紳士樂善不倦董事壬子英黃均何承宗李學書經紀自法余雖捐薄俸四百金以倡亦涓流耳今約計所積除建局及歲費外現存一千六百餘金議置田畝量所採歲租以供歲用但恐用不繼則惠不廣然人之好善誰不如我他日慕義君子源源而來互相接濟是則余私心望此至切也倘或以善小不足為則越州趙公救苗記何以傳誦不衰無惻隱之心非人也有其舉之誰忍廢之余將去書此以告我耆庶俟後之官斯土者興感而更恢宏其制焉是為記知亳州事葛州張肇揚撰試用訓導蒙城蘇廷煜書○各姓捐地清數附錄 尚士祥捐地六十七畝零四釐坐落義門集歲租二十四千八百文 黃祖俊捐地地基三畝八分零坐落東門外歲租三千零 尚起鳳捐地一頃零二畝一分坐落義門集歲租十千二百文 汪沛霖捐地當馬姓地七畝歲租一千九百零 廣善局餘項自買李姓地三頃七十九畝零歲租一百四十千四百零

因利局附設義倉內光緒十二年巡撫陳彝飭建局附局中

公欵均歸知州選派公正紳董管理非奉諭派不准干預有

卷存檔每月開支亦官為籌給年終由董事開賬呈州核銷

養濟院舊在東門外北順城街嘉慶二十三年知州陶琛創

修今移在小門神街額設孤貧五十三名日給花布口糧銀

一分原編銀六十八兩如有不敷在丁地起運正欵銀內照

數撥補 額外孤貧二十五名仍額內之例照數支給

光緒二十一年知州宗能徵撥庫平銀三百餘兩與紳士王



步青廩生湯積泗陳治平韓配讓趙見龍從九吳純修監生

孫繡章文生張士蘭黃理明白文忠劉興詩武生董金釗等

公議購置鳳尾村保馬園莊孫廣紹之地六段計三十六畝
九分三釐九絲五忽入養濟院每年上下兩季共納租錢二
十九千五百四十二文仍按季六月十儘數勻給曾遞哀詞
批准有案望補無期各貧民俾免向隅而永沾
皇朝普濟之恩印契存檔責成戶房經營

自新所寄衛後街州治之東係當湯姓屋七間倘有規模未
能日善光緒十九年新設俟經費擴充再議改建更定章程
創捐官紳銜名附錄 前署知州王懋勳捐錢二十千文
知州宗能徵捐錢一百千文 邑紳姜桂題捐錢二十四千
文 朱運豐捐錢二十四千文 劉鳳清捐錢二十千文

李永芳捐錢二十千文 劉宗翰捐錢十六千文 孫繡章
捐錢十六千文 吳純修捐錢十二千文 姜松溪捐錢十
二千文 奈藝全捐錢十二千文 王步青捐錢十千文
姚繼成捐錢十千文 孫廣麟捐錢十千文 孫鳳臺捐錢
八千文 趙掄元捐錢六千文 眾代當捐錢三十二千文
東盛興捐錢八千文 吉勝祥捐錢八千文 集義生捐
錢四千文 謙生泰捐錢四千文 梅城集保捐錢十五千
六百五十文 半截塔保捐錢十千文 北曹村保捐錢八
千文 宋顏集保捐錢三千八百文 各保樂捐未繳者不
載



國學
卷三
三



1875